


II CIKANKAMANISYO

 Nda lumba, mukwesu. Nda lumba. Atu kotamike mitwe yesu lino ku ijwi lya mupailo. Elyo a mitwe yesu kiikoteme, Nda libuzya na mbangaye bayanda kwiibalukwa mu mupailo, aku zibwe buyo kuli nduwe kwiinda ku kutambika janza lyako.

² Taata wesu Wakujulu, twa boola cabubombe kuli Nduwe, Mwami, kulyaambilila kuti ta tweeledede kuboola. Pele nkaambo kakuti Jesu waka tubambila nzila alimwi wa kabbadela muulo, nkikaako, inga twa boola acamba ku Cuuno cabwami ca luzyalo, mu ciindi cakubula. Elyo lino, Mwami, mbuli mbo tuli waano ku tuula Makanimabotu, kulingula buvubi bwa Kristo, tula Ku bula, Mwami.

³ Elyo inga kwaba umwi ukkede awa, Taata, oyo Ngo sola ku cikolo mu nzila mpati, kutegwa Uba tume kubusena bumwi, ku mulimo mupati oyo Ngo kakanza. Nda komba, Taata, kuti na eco cili boobo, kuti busiku obu, kuti, bukanze Bwako buyo zulizigwa. Elyo kotu gwasya mbuli mbo tulituula kuli Nduwe ku mulimo.

⁴ Lino, Wa kabona maanza oonse, nkabela ka cilangide kuli baabo bali mujulu. Yebo ulizi eco cili mu kubula. Elyo Nda komba kuti Uyo cipa, Taata. Nda pa mupailo wangu a mupailo wabo, a kuyandisya kwabo a kuyandisya kwangu, aa Cipaililo cangolide awo cituuzyo cesu mpo ciledede sunumasiku. Mu Zina lya Mwami Jesu, twa komba kuti Uyo tyola Cinkwa ca Buumi, kuli ndiswe, kuzwa ku Ijwi Lyako. Ameni.

Inga mwa kkala.

⁵ Nda usa kuba akumuka kuniini biyo, Nda mvwa kuti sunumasiku kwali kumuka ii—ii kuniini biyo kuswaangana kwali mukidwe aniini. Elyo tuyo cikonzya kuli ncico, a kuzwa cakufwambaana mbuli mbo kukonzeka. Lino tu yanda kuswena ku Ijwi, sunumasiku, alimwi a koonse oko kwakali muli ndiswe.

⁶ Ndi lizi uli waano, yebo, bamwi baimbi aba babotu Ndi. . . Mel Johnson, kuli umwi, oyo Ngwe zyi uli kkede awa. Nda mulomba kwiimba, kuli ndiswe, lwiimbo olo Ndwe takonzyi kuzwa mu mizeezo yangu. Cakuzumanana Nda ng'ung'una, kujatikizya, “misozi yaka selemuka.” Nda—Nda cibotelwa eco. Elyo Ndi yeeya kuti uyoimba ku kalimbabula ka Bantu Basimakwebo, na kubusena bumwi, kuli ndiswe.

⁷ Jim, Ndi yanda kuti ube masimpe a kujana ceeco kuli ndime. Elyo ikuti na ujisi teepu niini, koibikka ali ceeco kuli ndime, nsalensale, kutegwa bana bangu bayanda kwiimvwa. Cindi Nda baanga ndaselemukila ansi aniini, Nda—Nda—Nda mvwa eco, cindibamba kulimvwa kabotu, kumvwa kwiimba kubotu.

Elyo Billy, Nda inka mu kaanda kunselelo kuya, nkabela wa zumanana kubweza mateepu a kwiimba kuunka ciindi coonse, alimwi Ndi yeeya kuti cibaanga cila mugwasya.

⁸ Nywebo mulizi, kuli cintucimwi kujatikizya lwiimbo, eco cijisi nguzu muli ncico. Toonse tu lizi obo. Tu—tu lizi obo. Mwabona? Nkokuti, amulange impi, cindi baimba nyimbo a kulizya ziimbo. Sena mulizi kuswena ku lumamba, mu mpi ya Leza, nkusaanguna ku ciimbo? I baimbi bakaunka kumbele lya bwaato, kabasekelela a kwiimba; mpawo kwa kaboola bwaato; elyo mpawo nkondo. Mbo mbubo. Aboobo, oko nkulanganya kululeme.

⁹ Elyo nke kaambo tula njila mu kuswaangana masiku. Ino tu citanzi? Kwiimba ziimbo zya Mwami; elyo mpawo Bbokesi, Ijwi, amubale Ijwi; elyo mpawo nkondo, mpawo tuli—tuli mukati. Mbubonya ndembela zipati zila pepela, sunumasiku; Zina lya Jesu Kristo, Mwami Leza kuti asumpulwe, sinkondo auluke kucija.

¹⁰ Elyo, Leza, koleta luzundo sunumasiku, a kufutula bantu, koponya balwazi a bapengede; kucitya abo, bakatede a kuselemuka, ku busya mitwe yabo a kutangala, kujana bulemu bupati kuli Lwakwe. Nkambo twa lomba eci mu Zina lya Mwami Jesu.

¹¹ Ndi yanda kuti muvunune, sunumasiku, a ndime, ikuti na ujisi Bbaibbele lyako, elyo ziindizimwi bantu bagwala buyo cibalo ciniini eco bakutausi nco baamba. Cakali kucitika kuti Nda kali kukonzya kuyeeya zeezi cakubinda, kakutakwe akwalo ku zilemba. Pele Ne kamana kwiinda buyo makumi obilo ayosanwe, baa, myeezi misyoonto yainda, Nda amba ciindi cabili, elyo aboobo cicibamba kuyuma aniini kuli ndime kuyeeya. Ndi bwezedede nembe zinji kuzwa ku nkondo. Elyo mbuli mbo tukomena, ta tuyeeyi mbuli mbo twa kali kucita, alimwi Ndi jisi. . . Cindi Nda langa ku Lugwalo a kubona, mpawo Nda yeeya cibalo mbo cibede.

¹² Atu jule kuli Joshua, capita 10, kutalika kubala aa kampango ka 12.

Mpawo Joshua wakaamba ku MWAMI mu buzuba cindi MWAMI nakaaba ba Amori kumbele lya bana ba Israyeli, elyo wa kati ku meso aa Israyeli, Zuba, koima nji atala lya Jobaoni; alimwi. . . Mweezi, atala lya kkuti lya Ajaloni.

Elyo zuba lyakaima nji, a mweezi wakakkala, kusikila bantu bakaliya nkoto kuli basinkondo babo. Sa eci ta cilembedwe mu bbuku lya Jasara? Aboobo zuba lya kaima nji aakati ka julu, nkabela tii lyaka fwambaana kubbila kutandila buzuba boonse.

Elyo kwakanyina buzuba mbuli obo kumbele lyaco na kuzwa ncico, kuti MWAMI waka swiilila ku jwi lya muntu: nkambo MWAMI waka lwanina Israyeli.

¹³ I Mwami ayungizye zileleko Zyakwe ku kubala kwa Ijwi Lyakwe. Ndi yanda kubweza cibalo kuzwa awo kutandila maminiti ali makumi otatwe, ikuti na Nda konzya ku cijata kuli ceeco: Ii Cikankamanisyo. Kobelesya buyo bbala lyomwe: *Ii Cikankamanisyo.*

¹⁴ Lino kweendelana kuli Webster, ii *cikankamanisyo* calo “ncintucimwi eco citakwe busyome, pele nca bwini,” nkikaako cikankamanisyo mpawo inga caba mbubonya mbuli maleele. Ii cikankamanisyo ncindi cintucimwi eco—eco ciboneka mbuli kuti tiica konzya kuba, i—i luzibo lwa mizeezo ya buntu; tacikwe busyome kumaninina, pele nekubaboobo catondezegwa kuba bwini. Lino, maleele inga aba cintu nciconya, nkambo maleele takonzyi kupandululwa. Ii maleele ncintu cimwi cicitika, nkabela to konzyi ku cipandulula, eco cicibamba kuba cikankamanisyo. Ta cicikwe busyome, pele nekubaboobo mbwini.

¹⁵ Lino, bantu sunu, bunji bwa basyaasunu, basyoma kuti mazuba aa maleele akamana. Taba syomi kuti kuli cintu cili boobo mbuli ii—ii maleele. Pele, nekubaboobo, Ndi syoma kuti inyika izwide maleele. Nda syoma cikankamanisyo cila zumanana.

¹⁶ Kupa mukozyanyo, Nda syoma kuti cizo coonse cakazyalululwa ica Mubili wa Kristo ncikankamanisyo muli lwabo. Nda syoma umwi aumwi wanu noba Methodistia a Presbyteria a Lutherani, abo bata kacitide lubbizyo lwa Muuya Uusalala, yakali mu mbungano imwi yakalengwa eyo yata kasyoma mu Kuzyalwa kupya kwini, elyo lino batambula lubbizyo lwa Muuya Uusalala, mukozyanyo uulondokede wa cikankamanisyo. Nkaambo, cintucimwi cakacitika kuli nduwe, eco cakacina buntu bwako boonse, elyo kufumbwa muntu inga walanga ali ceeco a kuziba cikankamanisyo mbo cibede: maleele.

¹⁷ Citakuti eco cacitika, to konzyi kuba Munakristo. Kweelede kuba cikankamanisyo, kuli nduwe kuba Munakristo. Nkaambo, taakwe muntu ukonzya—ukonzya kucinca muuya mu muntu, a kumupa Kuzyalwa kupya, kunze lya Leza. Leza alikke ngu Umwi alikke ngu konzya kucicita. Elyo maleele obo Leza mbwa konzya kubweza kuyeeya kwa muntu, a nzila zyakwe, a buumi bwakwe, a zintuzyonse, a kucicinca kuzwa kuli mbo cakabede, kuli obo mbo cikonzya kuba, obo Mbwa konzya kucibamba.

¹⁸ Kupa mukozyanyo, mazuba masyoonto ainda, Nda kaitwa aa ii—ii cilao, na aa ii—ii cintucimwi ciniini cakali kucitika. Kwakali mwaalumi mukubusyi mubotu, mulombe mubotu loko, wa kali kweenda a musimbi muniini, musimbi muniini mubotu

loko kuzwa ku mukwasyi mubotu. Elyo mulombe oyu, mpoonya biyo, wakasika a musyobo umwi wa muzeezo, nkabela wa kazwa buyo. Wa kacita cintucimwi cilubide ku musimbi muniini, a kunji mbuli mbwa kamusyomezya kucita cintu cimwi elyo mpawo taka cicita. Elyo mubusena bwa kuboola ku musimbi a kulilekelela, mbuli ii—ii mulombwana mbwaelede kucita, walo, tii cakali buyo muli nguwe kucicita.

¹⁹ Elyo bawisi a banyina baka ndiita ku cilao, a kuti, “Tu yanda kuziba eco cilubide ku mulombe wesu.”

²⁰ Lino, tacili citete kucita ciindicimwi, pele weelede kuba uusyomeka a usyomeka. Nkikaako, mulombe wakali Munakristo, kuciimo mbuli musyomi. Wa keempwa alimwi waka bapatizigwa, alimwi wakali jisi busena bwakwe aakati ka basyomi, pele nekubaboobo takalina tambula lubapatizyo lwa Muuya Uusalala, takukwe makani kunji nkwa kayeeya kuti waka jisi.

²¹ Yebo uyeeya kuti uli jisi, a ku Ujisi, nzintu zyobile zyandeene. Inga wakonzya kusola kwaamba kuti uli jisi, alimwi inga wakonzya kutondezya bumboni bumwi bwa kunyanyamukwa kumwi; pele citakuti buumi bwako buli mukusimpikizya eco ncoamba kuba aco, tona Bu tambula. Takukwe makani kuvula kwa kulimvwa, kunji nkosotoka, kuzuza, kunyanyamukwa, kwaambaula mu myaambo, na koongolola, na kufumbwa mbo konzya ku cibikka; eco cili kabotu, Nda syoma muli ceeco coonse, acalo; pele citakuti buumi bwako bwa zuminana a bumboni bwako, nkokuti to Bu jisi. Nkaambo, mucelo wa Muuya ulasimpikizya obo mbobede, mbubonya mbuli mucelo wa musamu uli oonse mbo waamba mboubede. Jesu wakati, “Ku micelo yabo muyo baziba.”

²² Lino, aba bazyali baniini. Banyina mbana German. Kwiina kutondezegwa ku muna German, pele kuli kuminwa mu mukwasyi oyo. Elyo, nko kuti, bayo kkala buyo, nkabela inga mwaambaula kuli mbabo, nkabela bayo kudunamina buyo moonya mu busyu. Ba jisi. . . Oyu mucizi wa musimbi, banyina wa mulombe oyu, mucizi wakwe. Nda kaselemuka kagwagwa, kwa zifumo zinji elyo oyu mulindu mukubusyi uno kkede mu lubuwa, nkabela inga Nda amba, “Wabuka kabotu, kuli nduwe.” Waa kali kunga wandilanga. Elyo Nda kali kunga ndaima, elyo Nda kali kunga ndaamba, “Masimpe cifumo cibotu.” Waa kali kunga waima buyo, kulanga nkoonya kuli nduwe; mwanakazi mupampu. Elyo Nda kali kunga ndaamba, “Amuboole kuzo tubona ciindicimwi.” Waa kali kunga waima buyo a kulanga. Ee, babunyina bakwe bali boobo, bawisi a banyina bali boobo.

²³ Elyo bausyi ba mulombe, mba Irishman ncobeni, kabuko, a kancimwa kakali, high strung. Oyo mukwasyi wakwe oonse mbuli boobo, kunze lya umwi umbi kuzwa mu mukwasyi, wakasanduka. Lino muli oyu, mulombe oyu. . .

²⁴ Aba bawisi a banyina, boonse Mbanakristo, bazwide Muuya Uusalala, alimwi baleta mwaalumi oyu mukubusyi mu nzila ya Mwami. Elyo lino mwaalumi mukubusyi utandila myaka ili kkumi aciloba na kkumi alusele yakukomena, cintucimwi ambali awo, mwana mubotu loko, elyo wa—wa kali mulombe wa ciilisyo cini ku muunzi, mwana mubotu. Alimwi ujisi munyina uli bumbi.

²⁵ Pele basimbi, mukwasyi wa mutumbu, ukkala munsu ku i . . . mbungano mbotu. Pele sa muyeeya kuti inga basola kuboola okuya? Peepe. Elyo ba lizi kuti Cili luleme, pele tacili buyo muli mbabo ku—ku lomba kujatilwa na kulomba kujatilwa. Taba kaciciti buyo. Tacili buyo muli mbabo.

²⁶ Lino majiini muli bawisi a banyina ba mulombe oyu, takukwe makani kunji nko bakasanduka, ucili mubili wabuntu oyo waka tintanisigwa ku mulombe oyu. Nkikaako, mulombe ujisi kancimwa muli nguwe, mbuli buyo kuzwa ku mukwasyi wa banyina, alimwi taba lekeleli, taba kalombi kujatilwa, nkabela awo mpempawo ulya mulombe mpaimvwi.

²⁷ Lino, Nda kati kuli taata, “Takukwe makani kunji nko kamubusya . . .” Nda kati, “Lino langa kuli nduwe, kuzwa ku mukwasyi wako: boonse babo, bakolwi, a—a kulwana, a kudubula, a kutenda, azimwi zimbi.”

²⁸ “Lino langa ku mukwasyi wako,” kuli banyina. “Balo ninkamu yabantu, bakkede buyo awo batakanani, balyeendelezya maningi, a zimwi zimbi, zitakwe bulemu ku bukombi. Pele,” Nda kati, “toli nduwe. Uli olikke umwi wa bacizi a babunyina bako boonse, alimwi uli mubotu, sibuuuya, a kujatila. Ino eco cicita nzi? Elyo muli musamu, cibeela ca musamu oyo wa mukwasyi, nekubaboobo mwaka tambula Muuya Uusalala. Eco nce cintu caka kubamba kuba sibuuuya a mubotu. Tabali bantu bako pe, ngu Kristo wako oyo uupona muli nduwe.”

²⁹ Nda kati ku mulombe, “Langa ku mukwasyi wako, kutandila boonse babo bali koledwe, azimwi zimbi.” Nda kati, “Elyo mbobuti kaboko, a—a kulunduka kwa moyo kakukkwelede, pele yebo tociti. Uli silweetelelo, aulekelela. Ino ncinzi? I Muuya Uusalala. To cili obo mbobede; ngu Kristo muli nduwe.” Nda kati, “Lino eco cintu nciconya ceelede kucitika ku mwana wako.”

³⁰ Elyo taata wakabuka a kuti, “Mwana wangu wakainka ku cipaililo. Wa kabbizigwa cakululama, mu Zina Iya Jesu Kristo, a lubbizyo lwa maanzi mu ciziba.” Kati, “Ndi lizi mwana wangu waboola kuli Kristo.”

³¹ Nda kati, “Eco inga caba kabotu, kulimvwa koonse kwaanze. Inga walizibya mbuli musyomi antomwe a basyomi. Pele kusikila wa lengululwa, kuzyalululwa, inga Nda kulwaizya mwaalumi oyo mukubusyi kuta kwata mwanakazi. Uyo bamba Gehena aa nyika nkambo ka nguwe, kusikila oyo Muuya, mubotu,

uujatila, wakujatila wa Kristo wanjila. Mpawo eco ciyooba cikankamanisyo muli lwaco, ku bweza bulenge mbubonya bwa mulombe obo bwakabikkwa akati ka bawisi a banyina. Elyo nekubaboobo, mu bupampu bwakwe, uli mukusola mbuli mbwa konzya kwiizunda. Ta konzyi kucicita. Ta ka cizunda. Kristo uyo elela ku cizunda. Cindi alekela Kristo kunjila, mpawo wa zunda kale mpawo. Ci yooba cikankamanisyo cilondokede, cindi muntu azyalwa ku Muuya wa Leza.

³² Nda kabona basikujana butongo kabaima a kufubaazyza, a kulilemeka bumwi, kwa lubukulusyo lwa Muuya Uusalala. Elyo kwiinde kaindi, Leza waka jata muntu oyo nguwenya a kumu cinca, elyo mpaawa uliimvwi moonyu mu cikambaukilo kakambauka cintu nciconya eco nca kasulaika ciindi cimwi. Calo ncikankamanisyo, obo Leza mbwa konzya kugusya sikutasyoma a kubamba musyomi kuzwa kuli nguwe.

³³ Lino Nda libuzya, ikuti na muntu uyeeya kuti maleele aka mana, Nda libuzya na musyobo wa musamu wasayaansi ngo konzya kupa muntu uli boobo kucinca bupange obo muli mbabo, ku bweza luzondo olo a munyono a nzwango, kuzwa? Taakwe muntu ukonzya ku cipandulula. Pele ncikankamanisyo, nkaambo maleele aa Leza. Cindi muntu a cincwa kuzwa ku muntu oyo mbwabede, kuya ku cilenge cipya muli Kristo Jesu, waba bulenge bupya. Ta cili obo mbwa kabede. Walo ncilenge cipya kumaninina muli Kristo.

³⁴ Eyi inyika lwayo, eyo njo tuponena, ncikankamanisyo ncobeni, nzila mbo cakapangwa. Tu jana kuti, mu Bahebrayo cipati 11 a kampango ka 3, kuti, “I inyika yaka pangwa antoomwe ku Ijwi lya Leza.” Nkokuli Leza nkwa kajana cibelesyo cakupanga inyika eyi? Mbobuti Mbwa kacicita? I Bbaibbele lyaamba kuti “bwakapangwa a kupangwa antoomwe.” Bupange bwayo boonse a cibeela cayo caka bikkwa antoomwe ku Ijwi lya Leza. Ikuti na eco tacili cikankamanisyo, Ta ndizi awo mpo cibede. Nkokuli nko tukonzya kuleta a kwaamba kuti Wa kajana cibelesyo, kakuli kwakanyina cibelesyo? Wa kacita ku caamba mukuba. Calo ncikankamanisyo, kuti eyi inyika ili waano sunumasiku.

³⁵ Cintu cimbi, ncikankamanisyo nzila mbo cikkala mu mukondo waco, kacilengelela mu mwaakwe. Mbobuti mbo cikonzya kulengelela alya muli bobuya busena bomwe, spinning nzila eeyi, kuzunguluka munzila *eyi*, kutandila mamaile ali leveni mu oora? Mamaile ali zyuulu zili makumi obilo abone na makumi obilo azyosanwe kuzunguluka, a kwiinka kuzunguluka koonse mokwiindila ma oora ali kkumi-aane, cakulondoka ncobeni ta ciimpyi ka vwalu. Kunyona kulondokede loko, oko kwiinda kubota aa. . . Ncibotu kwiinda mamaile aali cuulu mu oora lyomwe, cili mukunyona mbuli *obu*, kacilengelela mu mwaakwe. Ikuti na yaunka atala na ansi, kufumbwa, baa, ma, inga ya—inga ya nyonganya bweende boonse bwa bweende

bwa zuba lya Leza. Elyo ila inka kuzinguluka koonse equator, kuzinguluka orbit kwa ziindi zinji, kwa ciindi cikkwana mwaka, taina solede kukakilwa, ziindi kazili mbubonya biyo.

³⁶ Ko nda ambila ncinzi eco iciyijatilide ku julu kuya, ncinzi ici yinyona cakulondoka mu ciindi. Inga wajana wacci; Ta ndizi kunji nko konzya kubbadelela imwi, madollar ali cuulu; elyo eco amulangilile, mu mwaakwe wa mweezi, uyo sweekelwa maminiti. Taba jisi cintu cili coonse cikonzya kubeleka cakulondoka loko, pele nekubaboobo eyi inyika ila londolwa. Nkaambonzi? Ngu Leza kacicita. Calo ncikankamanisyo. Leza waka cilailila kucita eco, nkabela cila cicita.

³⁷ Ino mbobuti kujatikizya mweezi? Kakuli mamaile aa mamiliyoni kuzwida a inyika, pele nekuba ii—ii ceendelezya bweende bwa inyika. Mamilioni a mamaile kutantamuka, koongelezya kwayo, kwa kwiimikila mu mwaakwe wawo. Nkeimvwi mu mukondo wayo, ikoongelezya nyika. Aimwi ndeke ikoongelezya imbi, ku kukkala mu busena bwayo.

³⁸ Oh, ino ni nkambauko Nje konzya kubweza kuzwa awa, ciyiyo! Obo kuti cimwi acimwi ca zilenge zya Leza inga cakkala mu busena bwaco, inga caongolola cimbi. Pele tula tantamuka kuzwa ku wild tantrum abusenabumwi, akubamba kabunga aku lyandaanya tobeni, kulibonya kutaba a lusyomo, elyo mpawo tu jisi cianza coonse ca Bunakristo kusangana. Ikuti na muntu aumwi inga wakkala mu busena bwakwe, inga caba cikankamanisyo ca Leza, kubona nzila Leza mbwa konzya kuleta ba Presbyteria, Lutherani, ba Baptisti, ba Methodisti, ba Katolika, a boonse antoomwe. Ikuti na twa jokela ku Ijwi lya Leza, inga caba cikankamanisyo cini. Elyo mpawo mbungano yoonse inga ya zuminana, kutali aa tunsiyansiya twanu azimwi zimbi, pele aa Ijwi, nzila mbo Li leumbedwe. Nkaambo, “Ta buli bupanduluzi bwa muntu,” mbo lwaamba Lugwalo.

³⁹ Obo mweezi oyo mbwaongelezya inyika! Okuno kutali ciindi cilamfu cainda, mweenzuma wangu, simukoboma, wakali kusya malindi aa mugodi wa mafuta, kumusanza mu cisi ca Kentucky. Elyo cindi mweezi oyo watalika kubuka okuya, oko kufuta akuyosa kwameenda kula boola mu nzila yoonse mu nyika. Alya maanzi a munyo, ansi mu dindi omo mobakasya, ayooovula atala ciindi mweezi wazwa. Takukwe makani, ikuti na nkunsi kwa myaanda ya tukokola kunsi lya mulyango wa . . . na atala lya nyika awa. Ulainka ansi kwa myaanda ya matende, nekuba, cindi mweezi oyo wanyona, ayo maanzi abuka kuyo aswaana. Wa kacita.

⁴⁰ To konzyi kusisa cintu cili coonse, cindi Leza naka lailila. Ce elede kuswiilila Leza, cindi Leza apa kulailila Kwakwe. Ako nkekaambo Nce zyi kuti Uyo oba a “Mbungano iitakwe kaimba na itakwe kaimba,” Leza waka ilailila boobo. Ciyo elela

kuswiilila. Leza uyo cijana, nkaambo Ijwi lya Leza lya kaamba boobo.

⁴¹ Obo mbo tweenda, mweezi, a zintuzyonse, koongelezegwa micito ya nyika! Yebo wabweza. . .

⁴² Tula bona nyenyeezi kaidubula, mbo tu ciita kuti nyenyeezi, eyo taili nyenyeezi idubula, walo mumuni, mubwini tu lizi obo, pele tu ciita kuti nyenyeezi. Eyo nyenyeezi tiiya kakonzya kusakana boobo. Ikuti na nyenyeezi yomwe yazwa mu mukondo wayo, antela iyo oongelezya zintuzyonse mu mubalo, mu kubimba konse, inga ca—inga canyonganya. Zintuzyonse zyelede kukkala mu kasena kazyo, kutegwa zibambe ciyanza ca Leza kweenda.

⁴³ Aboobo tweelede kukkala mu busena bwesu, twe elede kukkala mbuli bana balombe abasimbi iba Leza. Ikuti ni twata kawa kaindi okuya, cintu nicakali kunyona, nikwaataba lufu naanka cintu cimbi. Pele kulumbwe kuli Leza, kuboola cikankamanisyo, cindi Leza Mwini aku mujosya mu busena oko nkwa keelede kuba. Iiyi, cikankamanisyo.

⁴⁴ Muntu oyo uta syomi mu—mu cikankamanisyo, a kuta syoma mu maleele, mbobuti mbo konzya kululamika bupampu bwako, a kulanga mu busyu bwa zintu nzo takonzyi kupandulula? Ta cikonzeki kumaninina ku muntu uli oonse kupandulula nzila inyika eyo mbo ikonzya kulizwidilizya ini a kuzumanana mu ciindi cilondokede, a (lyonse) bweende boonse bwa zuba amapulaneti a zintu ezyo, a nzila mweezi mbo ukonzya koongelezya nyika. Elyo zintu nzyongaye nzetu konzya kujatikizya kwaamba!

⁴⁵ Obo i—i musinza mu kuwa kwa mwaka uyo selemukila mu miyanda ya musamu, kakutakwe bupampu buliboonse bwa kuenzya kuselemukila ansi kuya, kujosya mu butololo bwa mwaka, a buumi bupya, baa, calo ncikankamanisyo. Taakwe muntu ukonzya ku cipandulula. Ta tuzi nzila mbo cicitwa. Pele Leza ula cicita, aboobo calo ncikankamanisyo, cakuzumanana. Ngu makani aasisidwe nzila Leza mbwa cita eco. Tula ilanga kunji loko mane kusikila ku zibila, tula ilanga kwiinda atala mpoigolela.

⁴⁶ Elyo nde penzi ku i (swebo) bantu ba Pentekoste. Twa kabona Leza kacita zikankamanisyo zinji kusikila caba buyo mu ciindi ceelede cakuti akwalo tula ciyeeya. Ikuti na twaima buyo aniini a kuyeeya! Leza nkwali koonse. Leza uli—uli mukucita. Alimwi nkoloko Yakwe yakaindi ileenda kuzunguluka ncobeni, mane kumalekelo iyo unka kulaale mu Butamani, nkaambo Leza waka cisyomezya kucita ceeco. Lino tu lizi kuti kuli cikankamanisyo.

⁴⁷ Lino, kaindi mu mazuba akwa Nowa, mvula kiitana kusika, a zambangulwe, ca kali i—i cintu ciyumu kwa Nowa, mu bukkalo obo bupati bwabupampu obo mbwa kapona mo, kusola

kwaambila bantu, kwiinda ku Ijwi Iya Leza, kuti iyoowa mvula. Lino, inga caba, kwiina kuzumbauzya, kuti tii caka kkwanya i—i zyeelelo zya kubbutukizya kwabo kwasayaansi, kwakanyina mvula mu milengalenga. Pele, nywebo mwabona, Nowa wakati kuyooba mvula nkaambo kakuti Leza wakati iyooba mvula. Elyo Nowa, ku lusyomo, mvula kiitana sola kusika, wa kati ciyooba.

48 Ako nkekaambo nco twaamba cintu nciconya. Kuti, ba lati, “Baa, Jesu, ba kati Wa kali kuboola ciindi cilamfu cakainda. Myaanda ya myaka yakainda, ba kataminina kuti Wa kali kuboola. I baapostolo bakaamba boobo; ndiza nzyalani yabo.” Eco tacicileysi nokuceya. Tu lizi kuti Ula boola. Mbobuti mbo ciza kuba? Ta ndizi. Pele Leza uyo Mu tuma. Wa kasyomezya ku, alimwi Ndi lizi Uyo oba kokuno.

49 Lino, Nowa wakali kukonzya buyo kwaamba, “Leza wakaamba boobo.” Pele, nywebo mwabona, mpawo, akwalo, tii caka kkwanya kutondezegwa kwabo kwasayaansi mu buzuba obo. Pele ciindi nica kasika ku Ijwi kuti lizulile, yakawa mvula, mbubonya buyo. Eco cakali cikankamanisyo cikubwene mu buzuba obo, kuyeeya kuti mvula inga yazwa mu mulengalenga, oko kutakwe mvula.

50 Pele ikuti na Leza watolwa ku Ijwi Lyakwe, Ula konzya kucita, kupanga cikankamanisyo. Ula konzya kucita maleele. Elyo kufumbwa muntu wakazyalwa ku Muuya oyo nguwenya oyo uucita maleele, baa, ncintu citete kuli nguwe kusyoma maleele, nkaambo walo ncibeela ca Leza. Ameni.

51 Ii mwana mulombe a musimbi wa Leza; kutali ku kabungwe, kutali ku kansiyansiya, kutali ku kusukana kwa janza; pele ku kuzyalwa, kuti wa kafwa ku bupampu bwako, alimwi waka zyalwa ku Muuya wa Leza. Elyo uli cikankamanisyo, lwako, nzila mbo kacincwa kuzwa ku lufu kuyaku Buumi. Kuzwa ku bupange bwako buli mbulenge bupya muli Kristo Jesu. Calo ncikankamanisyo.

52 Leza akanana Ijwi Lyakwe, bana Bakwe bala cisyoma a Leza. I sayansi taikonzyi kutondezya nzila mbo cikonzya kucitwa; taakwe nco bazi kujatikizya ncico. Pele bana bala cisyoma, nekuba, elyo mpawo Leza ula cita cikankamanisyo, cila cibamba boobo. Cicibamba boobo, nkaambo Ijwi Lyakwe eelyo Iyaka kanana inyika mukuba, konzya kuleta, konzya kubamba ijwi lyoonse, eelyo Ndyo kasyomezya lyonse, kuboola kucitika.

53 Ako nkekaambo Abrahamu taka zungaana aa cisyomezyo ca Leza, kwiinda mu kutasyoma, pele wakali lamidwe caku maninina kuti Wa kali kukonzya kucita a kubamba eco Nca kaamba kuti Uyo cita. Ta kazungaana aa cisyomezyo ca Leza, mukuba a myaka ili mwaanda yakukomena, a Sarah makumi ali fuka, kuba a muvwanda oyu. Nkaambo kakuti wa kalizi kuti Leza wakali kukonzya kucita a (kubamba) kuba

a cikankamanisyo kucitika aa cintucimwi, maleele kucitika, nkabela Wa kacicita.

54 I bana ba Hebrayo. Lino mbobuti mbo konzya kubamba sayaansi kusyoma sunu kuti muntu inga wanjila mubbila? Oh, inga Nda yoowa kuti ali ongaye ma Fanrenhaiti mbo kwakali kupya; pele kukonzya kunjila mu bbila lya mulilo kaindi okuya, mu Bbuku lya—lya Daniele, a kukkala mu bbila lya mulilo kusikila ba kayeeya kuti walo, boonse baka umpwa ku itwe. Kwalo, abalo bantu, impi mpati ya basilumamba, bantu balemu ba busenga abo bakeenda okuya ku—ku basowela mu bbila lya mulilo, abo bantu baka njila omuya bakanyonyooka, ku kupya kupati kwa bbila lya mulilo kuli mbabo. Elyo baka widu mu bbila, nkabela bakali kunselelo kuya kwa ciindi eci coonse, a kuzwa kakutakwe akwalo kununka kwa mulilo ali mbabo.

55 Leza, kacita maleele! Eco cakali cikankamanisyo cini, ca nguzu zya Leza, kulwana sinkondo uli oonse, cindi muntu alibambila kuzumina kuti Leza ngwa bwini. Elyo Leza ulabamba Ijwi Lyakwe a kulemeka abo basyoma muli Nguwe. Nincobeni Nda syoma mu cikankamanisyo.

56 Joshua, silumamba mupati Ngwe zwaa kubala, kaindi kaniini kainda, mu Bbuku lya Joshua, cipati 10. Amubone, Joshua wakali i—i mweenzuma kuli Leza. Wa kali silumamba, i—i silumamba, alimwi wa kaboola kubweendelezi bwa koongelezwa kwa musinsimi, Musa. Elyo Musa waka gusigwa, nkabela Joshua waka laililwa kutola bana mu nyika a cisyomezyo, a kupambula masi. I bana tabamvwi; nkabela Musa wakali kulindila kucembaala, elyo aboobo Joshua wakasika kuzo tola busena bwa Musa, kuba silutwe wa Leza mupati.

57 Elyo Mwami wakakanana kuli nguwe, a kuti, “Mbuli Mbwe kali a Musa, mbubonya Mbwe yooba a ndinywe.” Eco ncibotu kweelela kuli Joshua. Kati, “Koba muyumu a sibukozu maningi, nkambo Mwami Leza wako uli a nduwe kufumbwa nkoya. Elyo busena boonse ndyato zya tende lyanu mpoziza kubikka, ezyo Nze kamupa.” Mpawo, ndyato zya matende zyakali kwaamba lukono. I nyika yoonse yakali kuzulilwa kuli mbabo. Ca kali cisyomezyo.

58 Kaindi kacitana sola kucitika, cindi naka selemukila okuya a Kalebi a basikutwela bamwi, elyo bakabona kuzundikizigwa kupati, ba Amaleki, a—a ba Periziti, abana Hiti, abamwi bambi, boonse baka jalilwa mukati, elyo okuya ku Jeriko kwaka konzya kwiinzya muzundano wa nkalaki atala lya i—lya busena, a muntu mulemu muyumu. Kutu, bamwi i—i batasyomi akati kabo, kati, “Baa, tu boneka mbuli cisozi muni lyabo.”

59 Pele Kalebi wakati, a Joshua, “Tula konzya loko kwiikona.”

60 Nkaambonzi? Leza wakati, “Nda mupa nyika eyi.” Takukwe makani obo kuzundikizigwa mbo kubede, obo bupati a—a i—i

buyumuyumu bwaboneka, nekubaboobo Leza wakati bwakali bwabo. Oh! Leza ulakonzya kubamba eco Nca kasyomezya.

⁶¹ Ca kali cikankamanisyo, kubona bantu bace, batalibambilide, kutandila, pele eco nce baka bwezede mu nkanda, akooko nko baka tanda muntu umwi, cancobeni hhalo amasaha akaindi, akufumbwa nce bakakonzya bweza akuci jatilila. Kunjila omuya a kuumina bantu abo ansi, abo bakali mabbabani. Ca kali cikankamanisyo. Leza wakalizi kuti baka jisi camba caku cicita. Elyo Wa kabapa cisyomezyo, alimwi baka njila a kucita nciconya eco Leza nca kabasyomezya kucita.

⁶² Buzuba bumwi, mu kupya kwa nkondo, cindi bami niba kapanga cipangano cipati akati kabo elyo akuselemuka kubuntu kulwanisya Joshua abana ba Islayeli. Kuti, Leza waka basyomezya nyika. Elyo wa kalonzya sinkondo, alimwi bakali mu zisaka a zilundu, kabasabalangene kwiinda mu nkanda omuya, nkabela Joshua wakalanga nkabela wa kabona zuba kalibbila. Wa kalizi ikuti abo basilumamba bajane kaakwe kuti balisyanikizye beni a—a kubuntu kujokela ku mulwanisya baa, uli zyi kuti inga waba ciindi ca kuyuminwa kobile nkabela ncobeni nku sweekelwa bantu banji, ikuti na basola kujana busena bwa kuli kamantanya lwabo antoomwe.

⁶³ Mpaawo, bakutausi, mpaawo mpo twa kakilwa. Mpaawo mbungano mpo yakakilwa. Cindi lubukulusyo olu ndo twa kazwaa kuba alo, eyi miswaangano yanguzu eyo yakatalika koonse ku cisi, cindi ne twaka jisi sinkondo kazuzana, twe elede kumu lekela kuzumanana mu kuzuzana. Pele, cintu ca ncico nkuti, twe elede kuunka cakutantamuka biyo atantrum azimwi zimbi, a ciimo cipati ca kuyaka a “kupanga kunji kwa nkamu lyesu,” azimwi zimbi. Elyo mpaawo mwa boola, a kulyandaanya lwesu kuzwa ku Ijwi, a kubweza *eci*, *eco*, elyo mpawo kuyaka tubunga twabo tumbi, a kutalika cintucimwi cimbi. Eyo nje nzila mbo ceenda lyaonse. Eyo nje nzila mbo cakabede mu mazuba akwa Luther, Wesley, a Moody, Sankey, Finney, Knox, Calvin, lweendo loonse muciiindi cakatobela. Yakali nzila njionya. Bala gusya meso abo kuzwa ku i—i lubukulusyo, aku cijana ali ceeco ncoba konzya kulicitila beni.

⁶⁴ Pele mulizi eco cakacitika? Joshua taakali musyobo oyo wa muntu. Wa kali kuyandikana ciindi. I zuba lyakali kubbila, alimwi wa kalizi ikuti na sinkondo wakasola kuyaka...I lubukulusyo lwakali kutandila ku maminano aa kujala kwa ncico, mbuli mbo twiimvwi sunu. Wa kalizi ikuti na wakasola kulindilila mane kusikila sinkondo amujate ku mulwana, inga cayuma kuzunda nkondo eeyo. Mulizi na nca kacita? Wa kalizi kuti Leza wakasyomezya nyika eyo. Wa kali kuyandikana ciindi cinji. Aboobo zuba lyakali kutandila kubbila, mpawo wa kati, “Zuba, koima nji.” Ameni. Ii cikankamanisyo, nincobeni. Elyo zuba eelyo lyakaima awo kwa buzuba buzwide, a kutaputa; a mweezi ku Ajaloni, taakwe nelya keenda, awalo.

65 Nkaambo, Bbaibbele lya kaamba awa, kuti, “Tii cakali ciindi pe, na kuzwa eelyo, mbuli ncico, kuti Leza waka swiilila ku jwi lya muntu.”

Yebo wati, “Oh, ikuti Ne kalizi kuti twa kapona buyo mu buzuba obo!”

66 Jesu wakati, mu Musalali Marko 11:24, “Ikuti na waambila dundu eli kuti, ‘Ko zyuka,’ akuta zumbauzya mu moyo wako, pele kusyoma kuti eco nco waamba ciyo citika, inga watambula eco nco waamba.” Cicili luzyalo, a cikankamanisyo, kuyabuya muciiindi ca bukkalo bwesu. Masimpe.

67 Oyo mweezi a zuba zyakaima nji kusikila Joshua wakalwana nzila yakwe yoonse, a Israyeli, a kuliya nkoto kuli sinkondo wabo. Nkaambonzi? Wa kali mu bulizi bwa mulimo.

68 Lino ikuti na waunka awa a kwaamba, “Dundu, koenda! Ndi yanda ku kutondezya kuti inga Nda cicita.” Ta cika ciciti.

69 Pele ikuti na cili mu bulizi bwa mulimo, cindi Leza naka mulailila kucita cintucimwi! Mbuli Mbwa kaamba kuli Musa, “Nkaambonzi kuli Ndime? Koamba ku bana.”

70 Bantu sunu balila ciindi coonse, “Mwami, ino ncenzi citobela, ino ncenzi citobela?” Koamba buyo a kuya kumbele! Mbo mbubo. Leza waka tutuma kucita cintucimwi, atu cicite. Uta imi koonse a kuyeeya kujatikizya ncico, kwaamba, “Mbobuti mbo cikonzya kucitika? Ee, *eci* nceeco.” Cibamba lwandaano luli loonse; ikuti na Leza wakaamba kucicita, amu cicite nekuba. Walo ucili Leza wa maleele.

71 Joshua, cakali cikankamanisyo ncobeni cindi zuba eelyo nilya kaima nji. Nda kali kwaambaula ku i—i muna sayansi mu cikolo ciindi cimwi, nkabela wakali mwiyi wa Bbaibbele. Elyo wa kati. . . Nda katondeka eci kuli nguwe. Nda kati, “Ndali kuyeeya kuti waamba kuti i—i nyika ya zunguluka, mwabona, elyo—elyo zuba lya kaima nji?” Nda kati, “Ino kujatikizya Bbaibbele wa twaambila buyo kuti bwakali bwini? Leza. . . Joshua wakati, ‘Zuba, koima nji.’” Ee, ta kakonzya kwiingula oyo umwi.

72 Pele zuba lya kaima nji. Tii lya kabamba ntaamo iili yoonse, nywebo mwabona. Eyo ni nyika ncobeni yakaima. Elyo eno nywebo mwati. . .

Wa kati, “I nyika yakaima.”

73 Nda kati, “Wa kati, ‘Ikuti na nyika yaima, ya kasweekelwa nguzu zyayo zikwela nkabela bantubonse bayo loka kuzwa kuli njyjo.’ Lino ncenzi ncoya kucita?”

74 Calo ncikankamanisyo. Ameni. Leza wakaimika nyika yoonse kuzwa kukunyona, ameni, nkaambo muntu wakati, “Amwiime nji awo, mane Nka lwane nkondo eyi yoonse.” Eco ncikankamanisyo. Ameni.

⁷⁵ Ca kali cikankamanisyo cindi impi zyoonse zya Israyeli nizya katondezegwa mu kkona, elyo baka yoowa mubbabbani umwi mupati ncobeni kaimvwi alya, wa zina lya Goliati. Elyo okuya impi zya Israyeli, Saulo wakayiisigwa kabotu, mutwe a makuko atala lya mpi yakwe yoonse, a kuzungaana mu magwamazulu akwe. Taakwe muntu wakali kukonzya kuswaana kuzundikizigwa kwa muntu oyu wa buzuba obo.

⁷⁶ Mpaawo kwakasika mwana muniini, wakali kuboneka kugalankana, wa ziwezo zidiimene, kalema kutandila mapaundi ali makumi ali fuka, a kabeela ka cikutu cambelele cizambaidwe ali nguwe mbuli boobo. Wa kati, “Mause ku mpi eyi ya Leza muumi; kwiimikila awa akulekela oyo mu Filisiti uutapalwidwe kusampaula impi ya Leza muumi.”

⁷⁷ Cindi ijwi nilya kasika kuli Saulo, Saulo wakati, “Toli cintu pele mukubusyi, alimwi ngu silumamba kuzwa ku bukubusyi bwakwe. Elyo uli mwana, a kulanga obo mbwabede. Baa, inga tounka kumulwana.”

⁷⁸ Pele ncinzi nca kabweza? Ta kabweza sumo, ta kabweza cceba, pele wa kabweza nkwilipo. Elyo busena bomwe biyo bwakali kukonzya kuuma mubbabbani oyo, obo bwakali moonya mu nkumu, oko cilwanyo cakwe nko cacalokela ku busyu bwakwe kuti avune meso akwe. Elyo mwaala oyo, a musinzo mulamfu kuzwa ku sumo eelyo lya tukokola tuli kkumi atone ndya kajisi mu janza lyakwe; kali koonse kufumbwa kuti kakaliko, naka konzya kubweza Davida muniini a kucita kufumbwa cintu kuli nguwe, a kumu lengelezya mu cisamu, mbuli mbwa kakonga kucita, a kulekela bayuni kulya mutunta wakwe.

⁷⁹ Pele ncinzi cakacitika? Kwakali cikankamanisyo, cindi Leza nakatola muntu muniini ugalankene oyo watakali maningi kulanga, nokuceya, kutali awalo silumamba wakayiisigwa, mwana buyo oyo waka jisi lusyomo muli Nguwe, a kubikka cisi coonse ku mause. Leza waka cicita kwiinda ku cikankamanisyo.

⁸⁰ Amen! Ucili Leza, sunumasiku, wa cikankamanisyo, mbubonya buyo Mbwa kabede kaindi.

⁸¹ Wa kabikka impi yoonse kupapila. Ba kabona eco, a kotalika kuzuza a kotalika kuuluka, nkaambo baka bona kuti mu mulombwana oyo muniini lwakali lusyomo muli Leza Oyo wakali kukonzya kucinca bulenge boonse, kucita kufumbwa cintu Nca kali kuyanda kucita, cindi muntu nakali kuyo syoma Ijwi Lyakwe. Nincobeni. Nda syoma cakali cikankamanisyo.

⁸² Musa, muntu simpipi mupati oyo wakasola kuvuna Israyeli, nkabela taka cicita. Wa kali kuyanda kunyonyoona bana Egepita. Wa kanyonyoona muntu omwe, elyo wa kanjila mu penzi kuli ncico, ku cicita mu luyando lwakwe mwini. Pele mpawo wa kabweza kasamu, kasamu kakayumu kakaindi kuzwa mu lukula, a kujaya impi yoonse. Amen. Ikuti na eco

tacili cikankamanisyo, Ta ndizi kaambo. Cindi na kauma kasako ako ku lwizi, a kwiitila lwizi kuti lujale; nkabela wa kanyikila Egepita, cisi coonse, ku ciindi comwe, kwiinda ku musako mu janza lyakwe. Amen.

⁸³ Ca kali cikankamanisyo, nzila mbwa kasololela Israyeli kwiinda mu nkanda, a kwa myaka ili makumi one. Elyo cindi niba kazwa, kwakanyina muntu uukompeme akati kabo. Eco ncikankamanisyo. Iiyi, munene. Ino wakali muntu mulemu, eco Leza nca kamucitila, nkaambo wa kasyoma Leza! Ca kali cikankamanisyo. Iiyi, munene.

⁸⁴ Ca kali cikankamanisyo, cindi Leza naka sala muntu omwe muniini, wa zina lya Mikaya, kumbele lya basinsimi bali myaanda yone bakayiisigwa kabotu iba Israyeli, nkaambo oyu muntu wakali libambilide kukkala a Ijwi lya Leza cindi kulwana koonse nikwakali kumulwana.

⁸⁵ Cindi bali myaanda yone niba kati, “Aah, kozumanana kutala!” Wa kati kuli Ahabu a Josefati, “Kozumanana kutala, Mwami uli a nduwe. Tu jisi buyo ciyubunuzyo. I Mwami uli a nduwe. Koya kutala, uyo batontela kulaale kuzwa ku nyika yesu, nkaambo nci cesu. Leza waka cipa kuli ndiswe. Joshua wakaabaula masi, alimwi eci cizulilwa kuli ndiswe. Elyo mbaabo ba Filisiti kutala kuya, kabalya maila kuzwa ku myuunda yesu. Baa, cili buyo mbuli kaambo, ciyubunuzyo cesu cili luleme.”

⁸⁶ Mpawo obo Leza mbwa kasala muntu muniini mbuli Mikaya, oyo wata kakonzya akwalo kunjila mu nkamu, pele wa kaboola kutala kuya a Ijwi lya Mwami. Elyo wa kati, “Kozumanana kutala, pele Nda bona Israyeli kaimwaikide mbuli mbelele zitakwe mweembezi.” Ca kali cikankamanisyo, nzila Leza mbwakali kunga waima mulombwana muniini loko kubusena kuya akati ka nkamu yoonse mpati ncobeni ya myaanda yone ya basinsimi, ba Israyeli basinsimi, Basinsimi ba Juda kabaimvwi alya kabasinsima cabubeji. Mbobuti Mikaya mbwa kaziba kuti wakali luleme? Nkaambo wa kali luleme ku Ijwi. Eliya wakaamba cintu nciconya kuti ciyo citika; alimwi mbobuti mbwa kali kukonzya kuleleka eco Leza nca kasinganya? Ca kali cikankamanisyo, pele Leza waka cibamba kucitika. Ncobeni mbwakabede.

⁸⁷ Ca kali cikankamanisyo; cindi mulombe muniini, uuboneka mbuli sibwanakazi a zyooso ziniini zili ciloba zya masusu kalengelela ku mutwe wakwe, alimwi ndiza buta bwa ribboni muli mbubo, nku koonse Nkwe zyi, mbuli sibwanakazi muniini. Zina lyakwe wakali Samusoni. Elyo cindi mulavu, wakali kutandila mapaundi ali myaanda yosanwe, ndiza, mulavu wa vuluma a kuboola kumulwana, elyo wa kabweza maanza akwe a kumwayaula mulavu oyo. Amen. Pele amulangilile eco cakacitika? I Muuya wa Mwami wakaboola ali nguwe, lutaanzi.

⁸⁸ Eco nce cicitya cikankamanisyo. Eco ncencico. I cikankamanisyo mbuli eco inga cabamba bbuwa eli lya misobano, sunumasiku, a bulemu bwa Leza. Ikuti na luyandisyo lwa Mwami lwa konzya kuzumizigwa kuboola aa bantu, mpawo niba kakomba. Ii cikankamanisyo, nincobeni. Iiyi.

⁸⁹ Cindi Samusoni nakajaya mulavu oyo, a maanza akwe kaatakwe cintu, kamukwela; mulombe muniini, wa musyobo wa sibwanakazi, a zyooso zya ziniini zya masusus kazilengelela ku musana wakwe.

⁹⁰ Ca kali cikankamanisyo cindi na kabweza cifuwa camweebo ca kambongolo ako, a kuuma mu mitwe ya ba Filisiti bali cuulu. Cindi, zyalo ngowani zipati a mabbaki alubulo, alubulo lulema kutalela ku mapaundi ali mwaanda, na kutandila kusika kuli kuli nguwo, ntobo zipati a zimwi zimbi, masumo, muntu wakayiisigwa kabotu, a ngowani iitandila ku inci acisela ndilika, kuzwa ku mukuba, kuboola ansi akunyona kuya mujulu, amusyu biyo aabo. Elyo Samusoni wakaima awo a cifuwa camweebo eci ca kambongolo, kali lede okuya ndiza kwa myaka ili makumi one, makumi osanwe. . . [Kabeela katakwecintu aa teepu—Mul.] Mu lukula, kayuminide. Ee, omwe biyo muniini ikabeela ka cibulo mbuli eeco naka konzya kuci vwinyauna mu tubeela tuya ku millions. Pele wa kaima awo, eco nce cintu cilikke, wa kalaililwa kulwana a kugusya cisi eco. Wa kakomezegwa a kuzyalwa kujaya cisi eco. Aleluya!

⁹¹ Ikuti na mbungano yakonzya buyo kuziba eco ncoli waano! Ikuti na mbungano ya Pentekoste ya konzya buyo kuziba eco ncoli waano! Ino ciiminizyo nzi cako? Nkaambonzi nco kazwa mu zintu ezi kuba obo mbobede?

⁹² Wa kalizi eco nca kazyalilwa. Wa kalizi awo mpa kaimvwi. I cintu nca kajisi mu janza lyakwe tii cakabamba lwandaano. Wa kaima awo, alimwi mbuli ba Filisiti abo mboba kaboola, elyo kabeela ako ka nguzu, ka ntunda eyo niini kaiimvwi aa mwaala, kusika atala lya mitwe yabo, cindi niba kazuzila kutala okuya, wa kali kunga wakonkomona nzila yomwe, a imwi imbi. Elyo mpaawo kwakalede zyuulu zya mbabo, kabalede cakufwa awo. Ca kali cikankamanisyo, nzila kambongolo ako, mweebo mbo kakajatana antoomwe. Ca kali cigambyo, obo mbuli tuya tubeelabeela twa brittle bone inga twa donkola kwiindilila inci ya kulema kwa inci ya ngowani ya mukuba ku jaya baabo Bafilisti bali cuulu babo. Elyo waka ciliimvwi alya a ncico mu janza lyakwe, kabotu buyo mbuli mbo cakabede cindi na kacibweza. Ca kali cikankamanisyo. Ameni a ameni!

⁹³ Ucili mbobuca nguwenya, sunu, amuya myaaka. Ucili Leza nguwenya, ku muntu uli oonse oyo wakaitwa kubweza Ijwi lya Leza. Leza uyo mwiiminina ikuti na takabi mukandu. Samusoni naka konzya kuzuza, pele ta kacicita. Yaa.

⁹⁴ Ca kali cikankamanisyo, cindi Leza nakaita Johane Mubapatizi, i mwana wa mupaizi, kuzwa ku cikolo cipati ca bapaizi, seminari mpati. Nkaambonzi eco tii cakatobela? Calo, cakali cilengwa cakuti bantu baka tobela kansiyansiya ka matata abo. Baa, cakali cikankamanisyo, cindi Leza nakatola Johane ku nkanda, kuyo mwaambila obo Mesiya mbwakali kuyooba, ku mwaambila citondezyo ca Mesiya mbo ciyooba, nzila mbwa yociziba. Mubusena bwa kuya ku cikolo, kuyo iya obo Mesiya mbwakali kuyooba, Leza waka mutola ku nkanda kuyo mwaambila obo Mesiya mbwakali kuyooba. Ca kali cikankamanisyo cikubwene, ku bantu mu buzuba obo. Iiyi.

⁹⁵ Cindi kuzyalwa kwa nakalindu nikwa kasika, eco cakali cikankamanisyo; nzila Leza oyo, kutegwa ali yubununwe Mwini ku muntu, wakaba muntu. Obo Leza oyo, Muuya mupati. . . Leza kuli ndime, wakali kumbele; tikwakalikwe neuba mumuni, tiikwakalikwe i meteor, tiikwakalikwe a—a—atomu, kwakanyina molekyu, kwa—kwa—kwa kanyina cintu cili coonse, a zintu zyoonse wakali Leza. Iiyi, eyo nje nzila Mbwali mulemu. Walo uzwa ku Butamani, kwiinda mu Butamani. Wa kali Leza lyoonse. Uyo oba Leza lyoonse. Elyo obo bupati maningi bwa buumi boonse bwakaba Nseke, niini mwida lya mwanakazi, kutegwa abweze mulao Wakwe Wini, ku kubbadela cisubulo ca mulao Wakwe, lufu; obo Leza mbwa kayubululwa mu mubili, obo Leza mupati wa Julu mbwa kacinca bube Bwakwe, kuzwa mukuba Leza, kuba muntu, kwiinda mu kuzyalwa kwa nakalindu, taakwe muntu uukonzya ku cimvwisya.

⁹⁶ Sayaansi sunu taikonzyi ku mwaambila obo kuzyalwa kwa nakalindu mbo kwakabede, pele Leza waka cicita. Wa kasika. Taakwe umwi wakali kukonzya; bantubonse bakazyalwa kunkwela. Mbuli ku- . . . muntu omwe mbubonya mbuli bamwi babo, taakwe umwi wakali kukonzya kugwasya umwi umbi. Toonse twa kali mu penzi. Elyo mpawo Leza Mwini wakaseluka a kuzyalwa, kutali mu Juda, kutali wa Munamasi, pele Bulowa Bwakwe wakali Leza. Bulowa buzwa ku kabunga ka mweenze. Mu kaambo aka, wa kali Leza, Leza cilenga, wakalenga seelo lya Bulowa mu zyalilo lya Mariya, a kuliyakila cikombelo Mwini eco Mwini nca kaseluka a kupona muli ncico.

⁹⁷ “Leza wakali muli Kristo, kayanzanya inyika kuli Lwakwe.” I bbala ndilyonya *Kristo* lyaamba “Umwi Munanike.” Oh! Wa kali Leza, Leza mu buzule Bwakwe wakakkala muli Nguwe. Ameni. “Elyo muli Nguwe mwakakkede buzule bwa Buleza camubili.” Eco cakali cikankamanisyo. Ca kazungaana bantu mu buzuba obo, “Yebo mukuba muntu, ulibamba Lwako kuba Leza.” Cici cicita. Pele mbubonya buyo, cicili cikankamanisyo nciconya cila citwa. Wa kali Leza. Walo ucili Leza. Uyo oba Leza lyoonse. Iiyi, munene. Ngu mbobuca nguwenya, sunu, amuya myaaka. Iiyi, munene.

⁹⁸ Oko kuzyalwa kwa nakalindu kwakali maseseke ku bantu, tiiba kakonzya ku cimvwisya, mbuli buyo Kuzyalwa kupya mbo kubede sunu. I Kuzyalwa kupya maseseke ku bantu. Taba konzyi ku cimvwisya. Ta bazi eco nco pandulula. Ba kacibbya, ku cileta ansi, kwaamba, “Ee, nkaambo buyo kakuti ula syoma cintucimwi.” I madaimona ala syoma cintu nciconya, a kukankama. Tacili ceeco nco syoma; nceeco Leza nca kacita ncobeni. I Kuzyalwa kupya nkuzyalwa. Kwa kali kupya. Ca kali cikankamanisyo, cindi Leza na kaleta Buumi bupya ku mukowa wa bantu. Ku li kaka, nkwandaanisigwa Kutamani. Ku citambula, bwalo Mbuumi Butamani. Uli jisi. . .

⁹⁹ Uli aa mbaakani njionya mbuli Adamu a Eva mbo bakabede. Inga wabweza. . . Ikuti na Leza wakubikka aa cintu cili coonse cimbi, inga caba citaluleme kuli Adamu a Eva. Aumwi Adamu a Eva, sunumasiku, uli jisi nguzu a zitali kabotu zikkede kumbele lyabo. Ula konzya kubamba kusala kwako. Inga wabweza Ijwi lya Leza na kusiya Ijwi lya Leza. Inga wabweza Ijwi lya Leza na kubweza tunsiyansiya twako twa kabungwe kujatikizya Ndilyo. Yebo inga wakonzya kubweza mizeezo yako ya busyaasunu ya boobo mbuli mbo kubede. Inga wazyalululwa a kuzuzigwa Muuya Uusalala, na inga waba sikumamela mbungano, naa umwi ngo yanda kuba.

¹⁰⁰ “Kuli ndime kupona ngu Kristo.” Aleluya! Nda syoma kuti oyo Leza nguwenya waka wida aa Buzuba bwa Pentekoste, aa Mbungano Yakwe, mbuli Musumpululu wa Mulilo, a kulipambula Mwini, a myaambo ipasaukide, akati ka bantu Bakwe, nkwali sunumasiku. Ngu Leza nguwenya Mbwa kabede kaindi, Mbwa bedede sunu, a Muuya Uusalala nguwenya. Ndi lizi ncikankamanisyo. Ta cikonzyi kupandululwa. Kulimvwa, kukwiila, kulila, azimwi zimbi, tazikonzyi kupandululwa, pele calo ncikankamanisyo obo Leza mbwa cicita. Ngu Leza uutabonwi kakkala mu moyo wa muntu, kalibamba kulibonya Mwini, kwiinda ku kusimpikizya Ijwi Lyakwe, kuti, “Ngu mbobuca nguwenya, sunu, amuya myaaka.”

¹⁰¹ Ca kali cikankamanisyo, cindi mwana wa mubezi, wa Zina lya Jesu waku Nazareta, kabweza mabbisiketi osanwe masyoonto a nswi zyobilo, a kusanina bantu bali zyuulu zyosanwe. Ikuti na tacili obo, Ndi yanda kubona muntuumwi kucicita sunu. Ndi yanda kuti undi pandulwide musyobo wa atomu Ngwa kaangulula. Ino Wa kacita nzi? Kutali buyo nswi, pele inswi yaka komena, inswi yaka kwambwa, inswi yaka salazigwa, i nswi yaka jikwa, nswi yakali kufumbwa mboya kabede, nkabela cinkwa caka syangwa a kukomena; alimwi zyoonse zya ncico zya keenguluka, mpawo Leza waka isandula kuzwa—kuzwa ku nswi ijikidwe kuya kunswi yajikwa. Wa ka ikomezya biyo ndilyonya Wa ka ikomona kugusya, alimwi Wa ka ikomezya ndilyonya Wa ka ikomona kugusya, elyo Wa ka ikomezya kusikila Wa kasanina bali zyuulu zyosanwe. Amenii.

¹⁰² Ino oku kuzumanana kwaamba nzi: ku kikomona kugusya, ku ikomezya; ku ikomona kugusya, ku isyanga; kusanina, ku ikomezya? Eco caamba kuti Ngu mbobuca nguwenya, sunu, amuya myaaka. Ngu Leza nguwenya oyo wakaliko. Ucili Cinkwa ca Buumi ku muntu uli oonse ufwa nzala a nyota. To konzyi kugwasya bubotu Bwakwe.

¹⁰³ Ba lati, “Ta tuyandikani maleele, takuyandikani cikankamanisyo.”

¹⁰⁴ Ula lindila. Ayo nge mabambe Akwe. Obo Mbwa bede. Ngu mbobuca nguwenya, sunu, amuya myaaka. Uli ndila nduwe kusika a kubweza caabilo cako. Sa ula yoowa kucicita? Sa inga wasala kuselemukila ku mulonga aku kuzela nswi, akusola ku ijika aku ikanga mu musyobo umwi wa ngulube na cintucimwi na inga yebo wayanda kucitolamu nzila Leza nja cibambide? Amu tambikizya buyo ku lusyomo, a kwaamba, “Jesu, mbobuca nguwenya, sunu, amuya myaaka! Nda taminina, Mwami, Nda syoma muli Nduwe. Bikka mukati kangu cakulya, nguzu, lusyomo olo Ndwe yandikana.” Amulangilile a kubona eco cicitika. A moyo usinizizye, Uyo kcutya nzala yoonse. Uyo cicita.

¹⁰⁵ Jesu wakali ii . . . kabamba ii . . . kajisi cikankamanisyo, cindi Na kasanina bantu bali zyuulu zyosanwe, a nswi zyosanwe, elyo—elyo mpawo kabweza zinzuma zyobilo, na zinzuma zikubwene zisyoonto, kumane.

¹⁰⁶ Ca kali cikankamanisyo, cindi Muntu a matende mbuli Mbwe jisi elyo ujisi, aa lwizi mbuli Lake Michigan abusena awa, cindi guwo lya mvula nelyakali kucitika, ankomeki zituba kaziliko ncobeni . . .

¹⁰⁷ Ee, ikuti na wakasola kuba okuya a kubona obo maguwo aamvula mbwa kaseluka, ba cicita, kwaandulula Galilaya okuya, nkabela caka tandila kulangika mbuli bale aansii eni alwizi kuyuma. Cindi eco necaka boola kucitika koonse okuya, alo maguwo ayoosya, akutalika ku kukula, nkabela nkomekizituba zyakaanga akaya kaato mane kusikila bulangizi boonse bwakamana. Elyo atala lya lwizi oluya, awo mpo bakali kuzinguluka, kuzwa ku kutontaikwa kuzwa ku ciindi coonse kutandila ku foo okuloko mu mangolezya, Inga ndaamba, kusikila i (kulangila kwamamanino) kwane, ambali thrii na foo okuloko cifumo. Nkule buti mbo bakazungana kulanduka lwizi! Elyo baka Mu siya ku lubazu lumbi. Ameni.

¹⁰⁸ Elyo ku kulangila kwane, mpaawa Wa kasika, keenda atala lya mayuwe. Eco cakali cikankamanisyo. Mbobuti Mbwa kali kukonzya kulibamba Mwini kuba mumuni uukubwene? Mbobuti Mbwa konzya kulyata mayuwe, a kuzwa ku mayuwe amwi kuya kuli ambi? Ayo maiwe mapati kaboola, Wa kali kwiinka atala aalimwi, elyo nkoonya kunselelo muli imbi, nkoonya kuli imwi, kakutakwe dosi lya maanzi ali Nguwe.

Boola, keenda aa mayuwe! Ko cipandulula kuli ndime, nkabela tokonzyi. Ino cakali cinzi? Ca kali cikankamanisyo, nincobeni.

¹⁰⁹ Ca kali cikankamanisyo, cindi Petro, oyo Ngwa takalina bwene mu buumi Bwakwe, zina lyakwe wakali Simooni, wakeenda kumbele mu Busyu bwa Jesu Kristo, nkaambo munyina Andreyu waka mwaambila kuti Wa kali Mesiya. Elyo cindi Jesu nakalanga muntu oyo ku meso, ku ciindi citaanzi eco Nca kasola ku mubona, a kuti, “Zina lyako ngu Simooni, alimwi uli mwana wa Jonasi,” eco ncikankamanisyo. Ikuti na tacili obo, ko ndaambila nzila Mbwa kacicita. Ca kali cikankamanisyo.

¹¹⁰ Nkaambonzi? Nkaambo, Walo ndi Ijwi. Elyo Bbaibbele lyakati, “I Ijwi lya Leza lila bosya kwiinda cceba lya mabemba obilo, a sikutweluka wa miyeeyo a makanze aa moyo.” Eco caka tondezya kuti Wa kali Ijwi, ameni, “I mbobuca nguwenya, sunu, amuya myaaka.”

¹¹¹ Ca kali cikankamanisyo, cindi Filipino nakaunka kuzunguluka cilundu a kujana Nataniyeli, a kumu josya mu Busyu bwa Jesu, nkabela Jesu waka mwaambila awo mpa kabede buzuba kabutanaba. Eco cakali cikankamanisyo, ameni, katondezya kuti Wa kali Ijwi. “Amubone mu Israyeli muli nguwe mutakwe luuni.”

Kati, “Ndelili Noka ndiziba, Rabi?”

¹¹² Wa kati, “Katana kwiita Filipino, cindi noli kungsi lya cisamu, Nda kubona.” Ii cikankamanisyo. Amen.

¹¹³ Ca kali cikankamanisyo, cindi simakwebo muniini, wa dolopo lya Jeriko, sikujana butongo wa Mwami Jesu, wakatanta mu samu lya sikamo, ku kuyuba, ku Mu bona kainda. Elyo cindi Jesu waku Nazareta na kanjila, keenda kuselemuka kagwagwa, a kwiima nkoonya kungsi lya cisamu oko nkwa kabede, a kubuka okuya a kumwiita ku zina lyakwe, “Zakayu, seluka. Ndiya ku muunzi a nduwe ku cibusulo.” Ii cikankamanisyo! Ta kalina mubona muntu, mazuba oonse aa buumi Bwakwe. Ta kabikka meso ali nguwe.

¹¹⁴ Ca kali cikankamanisyo, cindi ndiza myaanda iikubwene ya bantu, iyyi, ndiza bantu bali myaanda ili kkumi ayosanwe, makumi obilo kabazwa mu dolopo lya Jeriko, ku Mu fubaazya, aku Museka, cindi Na kasiya munzi masakati ayo, na cifumo eco, mubwini; mbuli Mbwa kali kuzwa mu dolopo, cindi bantu nibakali kuwaala zivuna ziyandisi kuli Nguwe. Elyo inga Nda mvwa mupaizi kaamba, “Yawe, ba ndaambila kuti Ula busya bafu. Yawe, Yebo o musinsimi, Yebo uliita kuti Omwini kuba musinsimi! Balo, tu jisi namaumbwe mboizula iizwide mbabo okuno, muntu buyo, muntu mubotu, mupaizi mbuli Mbwe bedede; kuya kutala okuno, kuba komezya. Atu Ku bone kubusya bafu.” Kutakonzya nekuba kumvwa ibbala lyomwe ndya bakaamba, umwi hailing cintu cimwi aumwi umbi cimbi.

¹¹⁵ Pele kulaale okuya kuyaama bulambo, mayaadi ali myaanda yobilo a makumi osanwe, ii mukumbizi mucete kakankama mu kutontola okuya, antoomwe amaboko azisani zyakwe, kati, “O Jesu, Yebo Mwana wa Davida, kondi fwida luse,” a ku Mwi imika mu nzila Zyakwe. Aleluya! Ii kwiitwa kuzwa kuli Joshua, kutali kule loko, kutali ii—kutali mamaile ali kkumi kuzwa awo Mpa kaimvwi mpoonya awo, kaimika zuba, buzuba bumwi. Pele mukumbizi mucete wakaimika N-n-n-Leza, kakkala mu nzila Yakwe kwiinda ku lusyomo lwakwe, musyobo nguonya wa lusyomo oyo Joshua ngwa kajisi. Amen. Nkaambo, wa kalizi, ikuti na Wa kali Mwana wa Davida, Wa kali Mesiya wakayubululwa, alimwi Wa kakonzya ku mujosya kukubona kwakwe. Ii cikankamanisyo! Oh, ma! Nincobeni, cakali cikankamanisyo. Iiyi, munene.

¹¹⁶ Leza, cakali cikankamanisyo, nzila Leza mbwa kakonzya kuba muntu, kufwa. Leza, Buumi, Buumi Butamani, inga waba Leza (buumi bwakunyama) kufwa, ku kufutula muntu, ku mujosya ku Buumi Butamani. Eco cakali cikankamanisyo, obo Leza mupati wakazuya mwaakwe oonse a Butamani boonse bwakali kukonzya kuseluka a kuba muntu, kutegwa afwe ku kufutula bu- . . . bulenge Bwakwe Mwini. Obo Leza mbwa kaba umwi wa zilenge Zyakwe Mwini, zya kufutula, nkaambo Wa kalenga mubili Wakwe Mwini. Jehova Taata waka kkala, mu buzule, muli Jesu Kristo Mwana Wakwe. Jesu wakali mubili wa Leza. Leza waka imininwa mu cikombelo, mubili wa Jesu Kristo, a nzila oyo Umwi wakazuya mwaakwe oonse a Butamani boonse bakaba Muntu omwe. Amen. Sa mwabona Nce pandulula? Okuya, alimwi kuti Leza wakali kukonzya kucita ceeco, kufwa, alimwi, oh, eco cakali cikankamanisyo, muli lwaco, nzila Mbwa kali kukonzya kulibamba Mwini mu nzila eyo kutegwa kapenga lufu lwa mukowa onse wabantu.

¹¹⁷ Pele, oh, ino ncikankamanisyo, cindi Muntu naka bambulwa, kujaya, katonta sumo pati lya Roma, kutandila mainci ali cisambomwe na lusele mu bukwasule, kwiinda mu moyo Wakwe, a Bulowa a maanzi zyaka poomoka. Elyo baka Mu gwisya kuzwa ku ciingano, kafwide, ka Mu vungaila mu—mu cisila, a ku Mu bikka mu kabanda. Wa kali fwide kapati kusikila musunguli muna Roma wakati Wa kali fwide, bantubonse okuya bakati Wa kali fwide, mweezi wakati Wa kali fwide, nyenyezi zyakati Wa kali fwide, zuba lyakati Wa kali fwide, nyika yaka jisi kunyongana kwakuyeeya, ya kati Wa kali fwide. Elyo ku buzuba bwatatu, wakali kukonzya kubuka ku buumi alubo, butafwiki, kuzwa ku lufu. Eco ncikankamanisyo. Amen. Wa kati, “Ndi jisi nguzu zya kulazika buumi Bwangu; Ndi jisi nguzu zya kububusya alubo.” Ii cikankamanisyo cini ca Leza, bubuke Bwakwe bwakali obo.

¹¹⁸ Ca kali cikankamanisyo, ca Leza, cindi Jesu nakasala bazeli banswi,- . . . mubusena bwa bapaizi bakayiisigwa, ku

kubweza mulumbe Wakwe. Kaboneka mbuli, cindi Na kasika, Wa kali kunga waboola ku ba Farisi bapati a ba Saduki, a kuti, “Bakwesu, muli bantu abo muciiindi ca makkalo baka bamba kabungwe aka kuti kasalala. Nda boola ku mutola lino. Bamauso bayo botelwa kuli ndinywe, cindi niba konzya kulanga ansi ku zyooko zya Julu,” na kufumbwa mbo bakabede. Nda cizumbauzya. (Jesu wakati, “Muli bauso wanu, dyabulosi.”) “Aboobo mpawo langa ansi, kwaamba, ‘Ee, inga twa kkomana.’ Bayo kkomana kuziba ceeci. Nda boola lino kuzo tola kutala oko nyoonse nkomwa kacileta.”

119 Ca kali cikankamanisyo, cindi Na katapatila umwi aumwi wabo a kubaambila kuti bakali ba dyabulosi, a kuselemukila ku Lwizi lwa Galilaya a kubweza bazeli banswi abo batakazi akwalo nzila ya kulemba zina lyabo, a kubapa zijaluzyo zyaku Bwami bwa Julu, mubusena bwa kupa Kayafasi, mupaizi mupati. Mbobuti Muntu mbwa konzya, ku bukombi bwa kasolekwa, eco nco bakali kuyeeya kusola, mu tunsiyansiya twabo a zintu zya kubamba zintu zya Leza, elyo mpaawa Wa boola a kukketa nkamu imbi kunselelo lya mulonga kulaale, cindi bantu niba kayiisigwa, a kwiya, a kwiinda mu maseminari, a zikolo, a zintuzyonse zimbi, mpawo Ula jokela nkoonya kubusena a kutabikkila maanu kuli ceeco, a kubweza muzeli wanswi uutakwe luzibo aku mupa zijaluzyo zyaku Bwami? Ameni.

120 Eco cibamba cikankamanisyo nciindi muntuumwi asyoma Leza aku Mu bweza ku Ijwi Lyakwe. Ijwi lya Leza lya kaamba inyika mukuba. Eco nce cintu nciconya ncoelede kusyoma, sunumasiku, ndi Ijwi lya Leza lyaka syomezegwa.

121 Amulange mwanakazi oyo muniini mucete kaimvwi alya ku mukalo. Waa kati, “Tu lizi cindi Mesiya aboola, Uyo twaambila zintu ezi.” Wa kamwaambila penzi lyakwe mbo lyakabede. Waa kati, “Munene, Nda kuziba kuti Uli musinsimi. Tu lizi cindi Mesiya aboola, Uyo twaambila zintu ezyo.” Amulangilile.

122 Leza kaambaula kuli sibwaamu. Bulemu kuli Leza! Leza kaambaula kuli sibwaamu, ameni, a kulomba luzyalo, “Ko Ndi letela akunywa.” Amu ciyeeye. Amwambaule kujatikizya cikankamanisyo!

123 Elyo ino ncikankamanisyo cakuti mbuto eyo ya Buumi Butamani, yakakanzwa kuzwa ku malengelo aa nyika, inga yali bungika mu cintu cili boobo; kwiinda ku kuyandisisya kwa kunyama, mbuli yuulya mwanakazi mucete muniini, mbwa akanyona akagwagwa, kungsi kwa moyo wakwe waa kakanzwa ku Buumi Butamani.

124 Cindi Kabelele naka jaigwa kuzwa ku malengelo aa nyika, kweendelana ku Bbaibbele, mazina esu aka bikkwa mu Bbuku eelyo. Jesu wakati, “Taakwe muntu ukonzya kuboola kuli Ndime

citakuti Taata Wangu wamukwela, a boonse Taata mbaka Ndi pa bayo boola.” Ko mwaisya buyo Mumuni!

¹²⁵ Amulangilile cindi Mumuni oyo niwa kauma bapaizi abo a bupampu bwabo boonse. Ncinzi cakacitika? Ba kati, “Ngu Bezebule, musondi, dyabulosi.”

¹²⁶ Wa kati, “Muli bauso wanu, dyabulosi.” Nko nkuko nko cakazwida.

¹²⁷ Pele cindi oyu mwanakazi, muniini sibwaamu kaambaula kuli Leza, elyo mbobuti mbuto eyo yakakanzwa mbo ikonzya kusimpwa mu muntu uli boobo ii—ii mubi mbuli oyo? Calo ncikankamanisyo. Pele amulangilile cindi Mumuni niwa kacuuma. Kati, “Munene, Nda kuziba kuti Uli musinsimi.” Lino, musinsimi, mpaawo Ijwi lya Mwami mpo liboola, ku musinsimi, mwabona. Elyo eco cakali cibi cakwe, alimwi Walo musinsimi waka jisi Ijwi. Aboobo waa kati, “Nda kuziba kuti Uli musinsimi. Lino tu lizi kuti cindi Mesiya akuboola, Uyo cita zintu ezi.”

Wa kati, “Nde Ndime, oyo ukanana kuli nduwe.”

¹²⁸ Mukwesu, waa kasiya bbakete eelyo, nkabela waa kaunka. Bumboni bwakwe bwaka futula munzi wakwe, Sukari. Lino eco cakali cikankamanisyo, cindi Leza, cindi Jesu nakacita eco. Iiyi, munene.

¹²⁹ Ca kali cikankamanisyo, cindi Leza naka bikka Muuya Wakwe muli ba pentekoste, bazeli banswi bacete a bantu batayiide, mubusena bwa Kayafasi mupaizi mupati. Elyo, oh, obo Mbwa kabikka Makanimabotu Akwe! Ca kali cikankamanisyo, cindi Leza naka sala nzila eyo iitegwa “nkuleya, nkusondoka,” bantu bakazungaana, a kusoutauka a kulilemeka bumwi, a kulilemeka mbuli kuti bakali sondokede. Ba kabaita kuti “basondokede.” Calo ncikankamanisyo, cindi Leza nakali kweenguluka sinagogi mpati maningi, nkuta zipati zya Sanhedrini a bapaizi bapati bakaiya maningi, a kubweza nkamu ya bantu buyo, batayiide oyo watakazi buyo mbuli ku Mu syoma buyo a kubweza Ijwi Lyakwe, a kubona micelo. Elyo caka botela Leza kweenguluka eco nco baita kuti cintu cisalala maningi mu inyika, ku kubweza cikama ca “masifwilila,” akaitwa kuti, a nzila eyo njo bakali kukomba, iitegwa “nkuleya,” kubamba nzila ya lufutuko. Iiyi. Lino, obo mbwini, to konzyi kucikaka. Paulo wakati, “Mu nzila eyo iitegwa ‘nkuleya,’ eyo nje nzila Mbwe komba Leza wangu, i Leza wa matata esu; nzila eyo iitegwa ‘ila andene.’” Iiyi.

¹³⁰ Ca kali cikankamanisyo, cindi oyo Musumpululu wa Mulilo mupati wakaseluka kuzwa ku Julu, angelo wa Mwami, Musumpululu wa Mulilo wakasololela bana ba Israyeli kwiinda mu nkanda. Eco cakali cikankamanisyo, cakali kwaambaula kuli Musa okuya mu citeo ciyaka. Elyo cakali cikankamanisyo. Elyo nikwakainda myaka ili myaanda ya

lusele. . . a kweendelana ku Lugwalo, mu Musalali Johane 8:58, ikuti na muyanda kuziba awo mpo cibede. Mu yanda kuziba awo mpo cakatalikila, lutaanzi, wakali Kulonga 13:31. Elyo cakali cikankamanisyo, cindi, kumane lweendo olo loonse a ciindi eco coonse, kuti awa Jesu wakaamba, kuti, “Katanaba Abrahamu, NDIME.” NDIME wakali mu citeo ciyaka mulilo. NDIME Oyo wakali kwaambaula kuli Musa.

¹³¹ Cakali cintu ceenzu, cakuti kwiinde lufu Lwakwe, kuzikkwa, a bubuke, mpawo Saulu, uulya muniini, mu Juda wampemo yongomene crabbed, alimwi waka cesu kakunyema, alimwi akwalo kubikka Mbungano imwi ya lufu, mu lweendo lwakwe kuselemukila ku Damasiko kuya kwaanga bantu abo, elyo kumusanza okuya baka jisi musinsimi wakaulikidwe kuti Ananiasi, alimwi wakali kumusanza okuya kasinsima kuli mbabo, musinsimi wa Mwami, ku baambila Ijwi lya Mwami, nkaambo Wa kaboola kuli nguwe, elyo kuciindi Mweembeli Ananiasi nakali kumusanza okuya kasinsima, Saulo wakaselemukila kuyo mubweza, elyo mpoonya akati ka buzuba oyo nguonya Musumpululu wa Mulilo wakaseluka a kusololela Israyeli, wakauma Saulo aansi, a bantu boonse kabaimvwi koonse tiiba kakonzya ku Ci bona, pele Cakali cibotu loko kuli Paulo kusikila Ca kazima meso akwe. Amen. Wa kali moofu. Cakali kasimpe loko kuli nguwe, nkabela bamwi babo tiiba kakonzya ku Ci bona. Calo ncikankamanisyo. Ma! Oh!

¹³² Eco magano amwi aamuntu omwe mbwakonzya kuzibya, ci yoozibisigwa akuli umwi. Ako nkekaambo bantu ncoba konzya kukkala mu i—mu muswaangano, a kulanga mulimo wa Mwami, a kutanta a kweenda kuzwa, a ku Ci fubaazya; nkabela bamwi bala jatilila kuli Ncico, a moyo wabo onse. Calo ncikankamanisyo, nzila Leza mbwa konzya kubamba bantu, ku nyama njiyonya. Calo ncikankamanisyo, kubona nzila Leza mbwa cicita, akwalo mu buzuba buno. Ca kali cikankamanisyo ca Paulo.

¹³³ Nywebo mulizi, Paulo takabona Jesu mu ciimo cakunyama. Wa kacita kutambula ciyubunuzyo mbubonya mbuli Petro mbwa kacita. Petro taakwe nakaziba Jesu kwiinda ku ciimo cakunyama.

Wa kati, “Ino bantu baamba kuti Ndi meni nde Mwana wa muntu?”

¹³⁴ “Bamwi babo bakati, baa, Nduwe ‘Musa,’ alimwi bamwi bati Nduwe ‘Eliasi,’ a ‘Jeremiya.’”

Wa kati, “Eco tacili ncico Nce kabuzya. Ino waamba nzi?”

Petro wakati, “Nduwe Kristo, Mwana wa Leza muumi.”

¹³⁵ Wa kati, “Ulacoolwe yebo, Simooni, mwana wa Jonasi. Bantu balya maila tiiba ciyubununa kuli nduwe, pele Taata Wangu oyo uuli ku Julu wa ciyubununa. Elyo atala aa mwaala oyu, Njo yaka Mbungano Yangu, nkabela milyango ya Gehena taikonzyi Kwi

izunda.” Nceeco we, cikankamanisyo. Cindi Na kaimvwi alya, nkabela taka Mu ziba mu mubili wabantu; pele wa ka Mu ziba kwiinda ku milimo Yakwe a ciyubunuzyo, ku Mu bona kazulizya mbubonya obo Lugwalo mbo lubede.

¹³⁶ Oyo ngo musyobo nguwenya wa cikankamanisyo eco cileta muntu kuzwa ku kansiyansiya kamwi kakaindi katontola, kunjila muli Leza muumi. Calo ncikankamanisyo, kubona muntu nguonya kabala Bbaibbele ndilyonya, a ku Li kaka, kuciindi umwi omwe uyo Cisyoma akutambula bumboni bwa ncico. Inzya, calo ncikankamanisyo, cindi na konzya ku Ci bona kacibelega aa mulombwana umbi, masimpe weelede kuziba kuti ngu Leza nguwenya. Kayanza kakwe kabuzumini kali lubide, ikuti na ciliimpene. Ikuti na Leza uli mukusimpikizya Ijwi Lyakwe, nkokuti kansiyansiya kanu kali lubide. Ameni. Muta kanzi kuba sinciki loko, pele obo Mbwini, cikankamanisyo.

¹³⁷ Nda kati, “Maminiti ali makumi otatwe,” elyo cili mbubonya buyo eco. Ndi jisi mapeegi atandila ku cisambomwe aa bulembo awa akwalo. Cikankamanisyo, sena mula syoma muli ncico? Ameni, Nda syoma muli ncico. Elyo Ndiyo ima.

¹³⁸ Andi kwaambile cintucimwi. Amuswiilile. Okuno ciindi cimwi cainda, kumusanza mu Musanza, oko Nkwe kazwida, Nda kajisi kusyoonto kwa aisikrimu, buzuba bumwi. Ii mweenzuma wakaindi sikusambala misamu, musalali wini wakazyalululwa, wa kali muntu wini. Nse kamubona kwa ciindi cimwi, elyo Nda kali kwiinda mu dolopo, elyo Nda kaima ku mubona. Elyo Nda kabona zina lyakwe kutala okuya, elyo Nda kayeeya, “Ee, okuya, ujisi oyu mulimo awa, alimwi wakaliko kwa myaka.”

¹³⁹ Nda kaunka kutala, kanjila, elyo ngooyo mbwa kabede, kakkede alya, kalanga ansi ku magilazi akwe maniini, nywebo mulizi, a kulanga aa magilazi akwe maniini ayo alengelela ku masaya akwe. Elyo wa kati, “Ee, ikuti na tali Mukwesu Branham!” Elyo wa kabuka, a kuboola kundi gwambatila, a kuboola kundi umauma. Kaambila mwana wakwe, kati, “Koya ukalete bamwi, kriimu ya caanda.” Twa kaliimvwi alya. “Kuba a nkomeki ya kkofi?”

¹⁴⁰ Nda kati, “Peepe, munene. Inga nda kwaambila calufu, ikuti na wandipa nkapu ya kkofi.” Nda kati, “Cindibamba kulibilika.” Nda kati, “Ndiyo bweza buyo kkoni ya aisikrimu.”

¹⁴¹ Aboobo, tuli jisi maaizikkilimu amwi anze. Elyo—elyo basimbi bakali kusule okuya, abamwi bambi, mu cintoolo, elyo twa kakkala a kuba a luswaanano luniini ku aisikrimu.

¹⁴² Wa kati, “Mukwesu Branham, Ndi—Ndi yanda ku kwaambila cintucimwi.” Kati, “Nda—Nda kali sikuliiba asyoonto ku kwaambila bantu bamwi.” Twe elede kwaambaula kujatikizya Mwami a bubotu Bwakwe. Elyo mulombwana mudaala kalila, a misozi kiimbulumukila aa masaya akwe, elyo wa kati, “Ndi—Ndi yanda ku kwaambila cintucimwi.” Kati,

“Inga—inga caboneka bweenzu kuli—kuli nduwe,” wa kati, “pele Ndi syoma kuti muntu mbuli mbo konzya ku cimvwisya.”

Nda kati, “Ee, kozumanana, mukwesu. Ino ncinzi?”

143 Wa kati, “Kaindi mu ciindi ca buyumuyumu bwa makwebo,” wa kati, “mwana wangu wamvwi kumutwe kwakali buyo mwaalumi mukubusyi.” Elyo kati, “Twa kali okuno mu i—oyu mulimo kaindi,” elyo wa kati, “pele bantu bakali bacete nkabela tiiba kajisi cintu cakulya. Elyo kujana malailile, kuti ajane musamu na cintucimwi, ba kacita kuunka a kwiima mu mundando.”

144 Elyo bunji bwanu mula ciyeeya eco. Masimpe, mula cita. Kwiima mu mundando, kuti ujane kuba kabotu kuniini kuzwa ku cisi, kutegwa ukonzye kujana misamu eeyi, nanka kujana cimntucimwi ca kulya.

145 Elyo wa kati, “Nda kali kkede awa, buzuba bumwi, kabala Bbaibbele lyangu, alimwi,” kati, “muntuumwi wakasika ku mulyango. Elyo mwana wangu wakabuka, mukubusyi, wakainka kumbele.” Elyo kati, “Nda kamumvwa kaamba, ‘Peepe, ta tukonzyi kucicita.’”

146 Elyo kati, “Nda kaswiilila kabotu. Nda kabikka Ijwi lyangu aansii nkabela Nda kaswiilila kabotu. Elyo mwaalumi wakati, ‘Munene,’ wa kati, ‘mukaintu wangu utandila kuwizuka.’” Elyo cindi na kalanga, wa kati wa kabona mwanakazi kalibambilide kuvunwa ku muvwanda; banabukwetene bakubusyi. Elyo mwaalumi mukubusyi wakati kuli nguwe, “Wa kati, ‘Nda—Nda—Nda kaima mu mundando oyo awo,’ kati, ‘oh, kulampa kwa mulongo wa mayake.’ Elyo kati, ‘Mukaintu wangu takonzyi kwiima limbi awo.’ Kati, ‘Nda libuzya . . . Ndi jisi bulembo bwa busilike kuzwa kuli dokotela, we elede kuba a musamu, cakufwambaana.’ Kati, ‘Sa uyo cizuzya, elyo mpawo Njo mutola ku muunzi, elyo mpawo Njo unka kuyo imikila mu mundando? Ndiyo—Ndiyo jana i—i bubambe bwa ncico. Ikuti na muyo . . .’

147 “Elyo mwana, mulombe wakati, ‘Munene, eco cilwana milao awa. Ta, ta tukonzyi kucicita.’

148 “Wa kati, ‘Ee, Nse kazi.’ Kati, ‘Ndaku lumba, maningi, mulombe,’ waka futata.”

149 Elyo wa kati, mbuli buyo mbwa katalika kweenda, muntuumwi wakati kuli nguwe, kungsi—kungsi kwa moyo wakwe, kati, “Josefa a Mariya baka tandwa, ciindi cimwi, abalo.”

150 Elyo kati, “Nda kabuka akuti, ‘Lindila, mulombe! Aniini buyo!’” Elyo kati, “I mulombwana wakaima. Elyo Nda kaunka a kuyo jana bulembo bwa busilike, a kujoka kunze okuya a kubuzuzya; kuciindi na kalindila, kajatilide mukaintu wakwe ku janza. Elyo waa kali wizukide loko, waa kali kuyaama buyo ku kkuko lyakwe.”

151 Elyo kati, “Nda keenda okuya, elyo Nda . . .” Wa kati, “Nda usa kuti Nde elede kucita ceeci, munene.”

Wa kati, “Eco cili kabotu.”

152 “Wa kagomekede mutwe wakwe aansi, a kupa buyo.” Elyo cindi na kacibikka mu janza lyakwe, wa kati, “Mukwesu Branham, Nda kabona Jesu.” Kati, “Nda kacibikka moonya mu janza Lyakwe.” Kati, “Mukwesu Branham, ngooyo Mbwa kabede, mbubonya buyo nzila cifoto mbo citondezya.” Elyo kati, “Nse—Nse kakonzya kwaambaula. Elyo mwaalumi wakanyona a kuzwa mu buyake.”

Wa kati, “Sena ula syoma obo, Mukwesu Branham?”

153 Nda kati, “Nda cisyoma akoonse kuli mukati kangu. Cilimasimpe.”

154 Musalali Martin wa Tours, ikuti na wakasola kubala zya Musalali Martin, wa kali silumamba. Elyo wa kali—wa kali wakwe . . . katobela ndyato zya maulu aa bawisi. Wa kamvwa kwiitwa kwa Leza lyoonse. Biyo, Ndi yeeya kuti, bantu bakwe tiiba kali bakombi ncobeni. Elyo buzuba bumwi wa kali kuboola . . .

155 Akali mapeyo mabi, makani aakale alati. Elyo wa kali . . . Kwakali mukumbizi mudaala waka bikkidwe ku mulyango, nkabela wakali kufwa mpeyo calufu; elyo bantu banji, abo bakali kukonzya kusanizya mudaala oyo, na kumupa zisani . . . Wa kali kulila, kajatilide janza lyakwe mujulu. Muntu buyo mudaala wa malezu, watombe kakkede ku mulyango wa munzi. Elyo uli mukwaamba, “Kondi gwasya, muntuumwi. Ndili—Ndili mukufwa mpeyo. Sunumasiku Njo fwa. Muntuumwi wandipa cikobela.”

156 Musalali Martin wakali pede kale koonse nkwa kajisi,. Walo buyo, mbuli silumamba, wa kasamide bbaki lyakwe. Wa kaima kumbali lyomwe, a kulangilila a kubona ikuti na muntuumwi taka cicita. I bantu bakasika a kuunka, nkabela taakwe muntu wakali kukonzya kumu gwasya.

157 Mpawo wa katambikizya alya, a kulanga mudaala. Wa kajisi luse aali nguwe. Waka samununa bbaki lyakwe lini, a kubweza panga lyakwe a kulitenda mu cisela. Cibeela ca kavungaidwe ku makuko akwe, katola cisela cimbi a kuvumba mukumbizi mudaala muli ncico, aboobo wakali kunga wapon masiku oonse, kazumanana kweenda.

158 I bantu baka museka, kati, “Ino ngu silumamba uuboneka kugambya, waka samide bbaki lya cisela.”

159 Busiku obo, kuciindi nakali koon mu bulo, wa kasinsimuka. Muntuumwi wakeenda mu kaanda. Wa kalanga, kaimvwi kulanduka kaanda, elyo mpaawo kwakaimvwi Jesu a kabeela ako kakaindi ka cikobela kakavungaidwe ali nguwe. Wa kalizi kwiinda kuli ceeco.

¹⁶⁰ Wa kali muntu, Musalali Martin, wakali umwi wa baalumi abo bakalwana kaindi kuya, nkambo Lusyomo lwaka pegwa ku basalali ciindi cimwi. Wa kasyoma mu maleele aa Leza. Wa kasyoma mu kwaambaula mu myaambo. Wa kasyoma mu Cizuminano coonse eco cakalembwa a baapostolo. Wa kasyoma mukati a ku Ci lwanina, kufumbwa kuti wa kapona, nkabela Leza wakacita maleele. Wa kalizi, cindi na kabona mukumbizi oyo mudaala kavungaidwe mu kabeela ka cikobela cakwe mwini, kuti Ijwi Iya Leza Iyaka zulizigwa, “Muciimo mbuli mbo mucitila baniini aba, Bana bangu baniini, mwa kacitila Ndime.”

Yebo wati, “I muntu taka cibona.”

¹⁶¹ Nda syoma wa kacibona. Nda syoma wa kacimvwa. Nda syoma kuti nko cili. Nda syoma oyo wakali Jesu wa kalanga. Ca kali ciyubunuzyo ca Leza caka yubululwa, nkaambo wa kabwezelezya.

¹⁶² Amwaambaule kujatikizya cikankamanisyo, kuli umwi uboola. “Cindi bafwide muli Kristo nobaya kubuka, alimwi swebo to baumi tuyoy cinewa, mu kaindi kaniini, mu kulaba kwa liso, ku kwempwa antoomwe kuyo Mu swaana mu mulengalenga.” Iiyi.

¹⁶³ Oh, obo Leza mbwa bamba Ijwi Lyakwe mu bukkalo obu bwabupampu! Obo Mbwali mbobuca nguwenya, sunu, amuya myaaka! Obo Mbwa konzya kucitweluka miyeeyo ya moyo wa muntu! Obo Mbwa konzya kucinca muntu! Elyo nzila Mbwa konzya kubamba ijwi lyoonse eelyo Ndy kasyomezya mu buzuba obuno! Ngu mbobuca nguwenya, sunu, amuya myaaka! Obo Mbwa konzya kuyubulula a kubalekela kukkopa cifoto ca oyo nguwenya Musumpululu wa Mulilo waka tobela Israyeli, nguwenya Oyo wakali a Mwami Jesu, Umwi nguwenya wakali kumusanza okuya a Saulo mu lweendo, nguwenya Oyo waka njila a kuvuna Petro kuzwa mu ntolongo! Oyo nguwenya Angelo wa Leza nkwali sunumasiku, a kucita cintu nciconya Neo wakacita cindi Ni wakali ano aa nyika katondezegwa mu mubili wabuntu. Nkaambonzi? Ngu mbobuca nguwenya, sunu, amuya myaaka.

¹⁶⁴ Sena mula syoma mu cikankamanisyo? Ndi syoma kuti Leza uyanda bantu kusyoma mu cikankamanisyo. Nda kainka kulaale ku ciindi cangu. Nda syoma inga caba cikankamanisyo mpoonya awa. Amen. Ndi syoma kuti Leza ulayanda alimwi ulayanda kubweza bantu Bakwe a kulitondezya Mwini. Ikuti na Wa konzya buyo kujana mwaalumi na mwanakazi, mulombe na musimbi, ku bikka miyeeyo yabo beni, a kuba mwaange kuli Nguwe a ku Mu syoma.

¹⁶⁵ Walo ndi Ijwi Lyakwe. “Ku matalikilo kwakali Ijwi, alimwi Ijwi Iyakali antoomwe a Leza, nkabela Ijwi wakali Leza. Elyo Ijwi Iyakaba mu mubili wabuntu a kukkala akati kesu.”

166 Elyo lino Uli muli ndinywe, bulangizi bwa Bulemu, mbobuca nguwenya, sunu, amuya myaaka. Wa kati, mu Musalali Johane 14:12, “Oyo usyoma Ndime, milimo Nje cita uyo icita awalo.”

167 Wa kasyomezya, mu Musalali Luka, kuti, “mbuli mbo kwakabede mu mazuba akwa Sodoma,” cindi Mbungano yakasalwa, Nkamu ya Abrahamu, iyo tambula citondezyo mbuli Abrahamu mbwa katambula, a nkamu ya Lota niya katambula citondezyo mbuli Lota mbwa kacita.

168 Ncintu ceenzu loko cakuti twa kajisi aba basilubambululo boonse bapati, ba Luther a Wesley, pele tii twa kasola kuba a muntu okuya a zina lyakwe kalimana mu h-a-m, mutumwa ku inyika. G-r-a-h-a-m, ayo mabala ali cisambomwe. A-b-r-a-h-a-m ngu Abraham. Twa kajisi ba Moody, ba Sankey, Finney, a Knox, Calvin, pele kutali *ham*, “taata ku masi.” Tuli jisi omwe lino. Eco ncikankamanisyo. Sena mwakalizi obo? [Mbunga yaamba, “Ameni.”—Mul.] Elyo amulange, uli mukucita mbubonya buyo, ku baita kuzwa mu Sodoma.

169 Pele, amuyeeye, Abrahamu waka jisi mutumwa kutala kuya ku nkamu yakwe, awalo. Ameni. Elyo musyobo nzi wa citondezyo Nca kacita, a sule Lyakwe kalifutete ku tente? Kati, “Ndiyo muswaya kweendelana ku ciindi ca cisyomezyo Cangu, kweendelana ku ciindi ca buumi.” Elyo Wa kati, “Ulikuli mukaintu wako, Sarah?”

170 Kati, “Uli mu tente, kunze Lyako.” Elyo cindi na kaamba ceeco, Sarah wali seka mwini.

171 Wa kati, “Nkaambonzi Sarah waseka, kwaamba kuti, ‘Ezi zintu tazikonzyi kuba?’” Mwabona?

172 Jesu wakati, “Mbuli mbo kwakabede mu mazuba akwa Lota, mbubonya mbo kuyooba mu kuboola kwa Mwana wa muntu, milimo Nje cita!” Ijwi lya Leza lyakaba boobo. “Ikuti na mwa kkalilila muli Ndime, Majwi Angu ala kkalilila muli ndinywe, amulombe kufumbwa wabo ngo muyanda, nkabela ciyo tondezegwa kuli ndinywe.” Ii cikankamanisyo, ku bona cisyomezyo Leza...cisyomezyo ca Leza, eco cakabambilwa myaka ili zyuulu zyobilo, ayalo mbungano ethics yasowa bantu kuba sakanya. Pele akati ka coonse ca ncico, Leza ula seluka ncobeni a kubbotola Ijwi eelyo kujokela moonya mu mbungano Yakwe alubo, mbubonya buyo. Calo ncikankamanisyo. Sena mula Mu syoma?

Atu kombe.

173 Ikuti na kuli bantu omuno, sunumasiku, banga bayanda kubona cikankamanisyo cakacitwa ali ndinywe, a kucinca moyo wako kuzwa ku kutasyoma, kuyaku lusyomo muli Leza, sa inga watambika maanza ako, a kwaamba, “Mwami, kondi yeeya, kondi yeeya.” Leza amu longezye. Oh, amulange buyo ku maanza!

174 Taata Wakujulu, kuli maanza manji loko, Inga nse konzya kwaamba kuti “Leza aku longezye,” umwi aumwi, pele Uli bazi boonse. Kocinca kuyeeya kwabo, Mwami. Oh, aci citike, cikankamanisyo. Lyoonse baka baanga badiimana konse. Ba kasyoma cisela, ndiza. Ndiza bamwi babo akwalo bazulilwa ku mbungano, pele nekubaboobo tabana swaangana ciindi eco noba kajisi lwaanguluko olo lupati, kasyoma, a kuziba kuti eco Leza nca kasyomezya, Leza wakali kukonzya kucita. Nekubaboobo, tu taminina kuba lunyungu lwa Abrahamu, abo bata kazungaana ku cisyomezyo ca Leza kwiinda mu kutasyoma, pele wakali muyumu, kalumbaizya Leza. Lino, Taata Leza, Nda Ku lombaa, mu Zina Iya Jesu, kuba a luse ali mbabo.

175 O Leza, seluka akati kesu, sunumasiku, koenda ali ndiswe aku tutondezya kuti Ucili Leza wa maleele. Bamba cikankamanisyo, Mwami, a kutondezya kuti Ijwi Lyako licikonzya kutweluka miyeeyo a makanze aa moyo. Yebo ucili Umwi nguwenya waka tondezegwa awo, oyo Abrahamu ngwa kaita kuti Elohimu, i Mwami Leza, Cilenga, Umwi ulijilidi zyonse, Umwi sikulibeda mwini. O Leza, Yebo ucili Leza Uutamani, mbobuca nguwenya, sunu, amuya myaaka, a Bulowa bwa Mwana Wako bwaka salazya Mbungano a Kwii salazya. Kutu, Ijwi, oh, ikuti niba kakonzya buyo ku Li bweza kakutakwe kuyungizya kayanza kabuzumini, Mwami!

176 Pele, lino, Wa kati, “Ndili Musaansa, nywebo muli mitabi. I mutabi uzyala mucelo wa musaansa; nkambo buumi bwa musaansa, wa mutabi, uzwa ku musaansa.” Obo mbo tu Ku lumba kuli ceeci, Mwami! Obo mbo cilondokede!

177 Elyo mu buzuba buno bwa kutasyoma a malweza, a— a misyobo yoonse ya tunsiyansiya, nekubaboobo Nduwe Leza nguwenya wakaimika zuba kuba Joshua. Nduwe Umwi nguwenya wakali aa musako oyo Musa ngwa kalyoolola atala Iya lwizi. Nduwe Oyo nguwenya wakali kukonzya kwiita njina, ntabwa, baculwa, kufumbwa mbo cakabede, ku mulomo wa Musa. Nduwe Leza nguwenya wakali kukonzya kubikka mvula mu milengalenga. Yebo ndo nduwe Leza nguwenya oyo uyo okonzya kulosya mulilo mu milengalenga. Nduwe mbobuca nguwenya, sunu, amuya myaaka.

178 O Mwami Leza, kotu tondezya bulemu Bwako, sunumasiku, kwiinda ku kufutula a kuzuzya muntu aumwi watambika janza Iyakwe. Ko cipa, Mwami. Akube kuti itabi mupailo umbi wakulibambila nyenyezi. Akube kuti itabi nzila imbi ya kuliandila kutambika maanza esu, kuni Iya koongezya kuniini kwa—kwa cintucimwi. Pele akube kuti cizwe kuni kwa moyo wabo, aabo bantu bakwiila, “O Mwami Leza, kolenga muli ndime lusyomo lukonzya ku Ku kusyoma akukonzya kuzumina Ijwi lyoonse, a kuzuminana ku cisyomezyo coonse, a ameni.” Ko cipa, Taata. Nda cituula kuli Nduwe lino, mu Zina Iya Jesu Kristo. Amenii.

179 Yaa, ngu teeni okuloko. Ta tweelede kuba a mundando wa mipailo atala awa. Inga twa cijana awo. Sena mula cisyoma?

180 Mbangaye omuno basyoma kuti Ngu mbobuca nguwenya, sunu, amuya myaaka, abo basyoma kuti oyo mwanakazi muniini waka guma cikobela Cakwe a munwe wakwe mpawo, Wa kali—Wa kali wakunyama, waa kaguma cikobela Cakwe. Nceeco cikankamanisyo. Ta kakonzya kukumvwa, nkabela Wa kanyona a kuti, “Nguni wa Ndi guma?” Elyo ta kakonzya kulisisa mwini. Elyo Wa kaamba mapenzi akwe, nkabela lusyomo lwakwe lwaka muponya.

181 Elyo Bbaibbele lilaamba, sunu, mu Bahebrayo, kuti, “Walo Mupaizi Mupati ukonzya kugumwa kwiinda kukulumvwa kwa kulengauka kwesu.” Mbangaye bantu bacisidwe basyoma boobo? Tambika janza lyako. Yaa, mula cisyoma, nkabela atu bone lino ikuti na obo mbwini.

182 Yebo wati, “Mukwesu Branham, mbobuti eco mbo ciboola?” Kusyoma buyo Ijwi nzila buyo mbo Li lembedwe. Muta bwezi kumvwa kwakwaambilwa kumwi, eco *oyu* mulombwana ncaamba Cili munzila *eyi*, alimwi *oyu* mulombwana ncaamba kuti Cili munzila *eyo*. Mula Li syoma nzila buyo mbo Li lembedwe.

183 Ikuti na We elede ku kubeteka kwiinda kunzila Mbo kulembedwe, mpawo nkaambonzi kubweza bupanduluzi bwa muntuumwi umbi kuli Ndilyo, nkaambo eyo nje nzila mbo liyo betekwa. Eco buyo, Eco nce ceesyoma Cakwe. Wa kalangilila Ijwi Lyakwe. Taakwe cintu cilubide kuli ncico. Eelyo ndi Ijwi ncobeni. Nce ncico nco tuyo betekwa aco, ngu Ceeci, ndi Ijwi lya Leza.

184 “Elyo ikuti na mwa kkalilila muli Ndime,” olo ndusyomo, “Ijwi Lyangu lila kkalilila muli ndinywe,” nkaambo Walo ndi Ijwi, “mpawo amulombe eco nco muyanda.”

185 Lino wa guma cikobela Cakwe, kwaamba, “Mwami Jesu, Nda syoma a moyo wangu oonse kuti tupona mu mazuba aakumamanino. Nda syoma kuti Nduwe Leza nguwenya waka cita maleele aya oonse mweembeli wesu nga katutondezya, sunumasiku, mu Ijwi. Nda syoma kuti Uli Mupaizi Mupati. Mwami, andi gume cikobela Cako. Mpawo Ula kanana kwiinda mu mukwesu oyu, a—a kutaminina kuti Ula kanana kwiinda muli nguwe. Elyo, mpawo, ta ndizi pe, pele Uli ndizi.” Elyo mpawo amubone ikuti na Tali Leza nguwenya wa maleele, akube cigambyo alimwi, cintu ci takonzekikulingulwa eco muntu nca takonzyi kutweluka aku caamba.

186 Sa mula cisyoma? Ikuti na Uyo cicita, nkokuti tu lizi kuti ciyooba cikankamanisyo. Sa mbo mbubo? Ndali kuyooba a mundando wa mipailo; Nda ka cijata maningi ali ceeco kusikila Nda—Nda—Nda kazwa buyo kuli ncico, alimwi ciindi citandila kumana. Mula syoma. Atu talikile abusena . . . Nse konzyi . . .

187 Nde elede ku pambula. Atu talikile ku lubazu *olu* awa. Muntuumwi mu nzila *eyi*. Mbangaye atala *ano* bazi kuti Nse muzi na kutaziba cintu kujatikizya ndinywe, tambika maanza ako; nkabela uli cisidwe, ulizi kuti uyanda kulomba Leza? Yaa.

188 Bamwi banu basyoma, amubweze buyo—buyo eci a moyo wanu oonse. “Mwami Jesu, mbobuca nguwenya, sunu, amuya myaaka! Andi Ku gume, Mwami. Lusyomo lwangu luleenda kuli Nduwe kutala ku janza lya lulyo ilya Leza, ukkede mu Bupati. Elyo Muuya Uusalala Wako, oyo wakali muli Nduwe, uli waano sunumasiku. Andi gume buyo, ku lusyomo, Mwami.” Mpawo amubone ikuti na Ucili mukamwini wa cikankamanisyo, ku leta zintu kucitika ezyo zitazizilwe kumaninina. Amubatame buyo.

189 Awa, mwabona eci mpoonya awa? Walo mulindu usiya ukkede nkoonya kusule awa. Ula penzegwa a ciimo ca nsa. Waa kazwaa kuba a kupandulwa. Ta ndizi mulindu.

190 Ndili mweenzu kuli nduwe. Sa mbo mbubo, mulindu? Pele obo mbwini, embo na? Sena mula syoma kuti Leza nguwenya wakali kukonzya kwaambila mwanakazi oyo muniini waka guma cikobela Cakwe okuya, a—a ku lubazu lumbi lwa lwizi, sena mula syoma kuti oyo ngu Leza nguwenya? Inga tondi guma, kunyama, nywebo mulizi. Aboobo Njo buyo. . . Elyo Nse kuzi. Aboobo kuli Mupaizi Mupati, nkaambo Wa kati Wa kali Mupaizi Mupati. Sa mbo mbubo? Elyo mula cisyoma. Cindi nimwakali kukombela kuba ndinywe, cintucimwi caka muuma, elyo mpoonya biyo Nda kaciita. Sa mbo mbubo? Yaa.

191 Ooku kwaandulwa nko kajisi takuli bonyi kuba aakuzwidilila pe. Toli mukuba kabotu, ayebo, alimwi uli libilika kujatikizya ncico. Elyo boola okuno sunumasiku ku bukanze obo mbubonya. Ikuti na Mwami Jesu uyo ndiyubunwida obo mbobede, mbuli Mbwa kacita Simooni oyo wakayutuka, sa inga wandi syoma kuba musinsimi Wakwe, mulanda Wakwe? Mula syoma obo? Muka. Pigrum. Mbo mbubo. Lino ula syoma a moyo wako oonse, koya ku muunzi a kuba kabotu. Uyo oba kabotu nkaambo lusyomo lwako lwa kuponya.

192 Sena ula syoma a moyo wako oonse? Mbobuti kujatikizya mu cibeela *eci* abo bali mukati muno, abusena bumwi, muntu umwi ula syoma?

193 Ii mwaalumi ukkede awa kumamanino, uciswa penzi ku meso akwe. Ta ndizi na uli zyi. . . Iiyi, wa kandi jata lino. Uli mvwa Muuya. Iiyi, sa inga mwabona Mumuni oyo aatala lya muntu? Ba. Ots, eelyo nde zina lyako. Ndili mweenzu umandinide kuli nduwe, pele ula libilika kujatikizya meso ako. Kristo wakubamba kuba kabotu, lusyomo lwako.

194 Lino amubuzye mwaalumi ikuti na Nda kasola ku mubona, wakalizi kufumbwa cintu kujatikizya nguwe, na mwanakazi oyu, na kufumbwa mbo cibebe. Kuli cikankamanisyo. Sena mula

syoma obo? Ngu mbobuca nguwenya, sunu. Wa kasyomezya, “I milimo Nje cita, muyo icita anywebo.” Eyo nje nzila Mbwa kalizibya Mwini kuba Mesiya. Sa mbo mbubo? Ee, Ngu mbobuca nguwenya, sunu, amuya myaaka. Elyo mulizi kuti tacikonzyi kuba ndime. Nseli Mesiya. Ndili muntu buyo, munyoko wako. Pele walo Muuya Uusalala awa, oyo ngu Mesiya. Oyo ngo Musololi. Ngo Nguwe uuzi. Ta ndi bazi bantu; bali cizyi.

¹⁹⁵ Awa, Ndi yanda ku mutondezya. Ngooyo mwanakazi uusiya ukkede nkoonya kutala okuya ku lubazu, kutala okuya, uciswa penzi lyatukoto twa munsingo. Sena ula syoma kuti Leza inga wandaambila zina lyako? Muka. Kelly. [I mucizi walila, “Oyo ndime!”—Mul.] Mbo mbubo. Yaa.

¹⁹⁶ Sena ula syoma a moyo wako oonse?

¹⁹⁷ Ba. Swanson kusule okuya, a penzi lya kulibilika, sena ula syoma kuti Leza inga wakubamba kuba kabotu? Ikuti na ula cisyoma a moyo wako oonse! Ncibotu, inga wa citambula. Leza ula kubamba kuba kabotu.

¹⁹⁸ Sena mula cisyoma? Ta ndizi bantu abo. Amu babuzye ikuti na Ndili bazi. Calo ncikankamanisyo.

¹⁹⁹ Aniini buyo. Ngooyu Mumuni oyu, Uli imvwi atala lya mwanakazi. Ndi lizi kuti nguni. Uli kkede mpoonya awa. Uta pengi, Muka. Collins, leka kupenzya kujatikizya ceeco, kulibamba kuciswa lwako. Coonse ciyo yutuka kabotu. Leza ulasololela. Lino, Ndi lizi mwanakazi oyo. Ndi lizi kuti nguni. Walo uzwa kumusanza ku Indiana, na Kentucky. Ndili muzi. Mulumi wakwe okuya, ngu cizo ca mbungano yangu, ngu—ngu daikona kunselelo okuya, mwaalumi mubotu. Pele ngooyo Mumuni oyo. Sena mwa Ubona mpoonya atala lyakwe? Waa kapenzegwa, uli cisidwe, alimwi uli nyongene kujatikizya cintucimwi eco nca tazyi naa kucita na pe. Ko yeeya buyo, leka katulusya, mucizi, ciyooba kabotu. Uli zyi koonse kujatikizya neico. Uyo sololela ikuti na muyo Mu lekela buyo kuunka.

²⁰⁰ Ameni! I mbobuca nguwenya, sunu, amuya myaaka, Walo ncikankamanisyo! Tuli lumbide kuli ncico. Sena mula cisyoma?

²⁰¹ Amwiime ku matende anu mpawo a ku cizumina, a kwaamba, “Mwami Leza, Nda boola kuli Nduwe mu Zina lya Jesu Kristo, kacita muli ndime, a kuleta bulemu a zilongezyo Zyako a nguzu ali ndime. A kuboole cikankamanisyo mu moyo wangu ndyoonya eno. Nda syoma. Nda syoma.” A moyo wako oonse, ko cisyoma.

²⁰² Tambika maanza ako kuciindi noimba ciimbo eci cakale, “Nda Mu yanda, Nda Mu yanda nkaambo Wa kasaanguna kundi yanda.” Jala meso ako. Jala miyeeyo yako yoonse, a kulekela buyo Jesu Kristo kunjila muli nduwe, alimwi umwi aumwi wanu uyo ponsegwa a kuzuzigwa Muuya Uusalala.

²⁰³ Cikankamanisyo comwe, sunumasiku, inga cabamba eci, ceelede kubamba busena obu kusuka mulilo. Jesu Kristo mpali ano. Nguni ukonzya kupandulula ceeco? Amubuzye bantu aba, kamuya kuli mbabo. Muli jisi mazina abo a zintu, aa teepu eyi. Kamuya, mukababuzye. Mwabona, Nse zyi cintu kujatikizya mbabo. Ino cicita nzi? Leza, mu bukkalo obu bwabupampu. . .

²⁰⁴ “Ili kuli mvula iili yoonse mu mulengalenga,” yakaamba sayansi ya buzuba bwa Nowa, “ino cili aali kutala kuya?” Leza waka cisyomezya! Ca kaboola.

²⁰⁵ Mbobuti zintu ezi mbo zikonzya kucitika? Ta ndizi. Leza waka cisyomezya! Ngu mbobuca nguwenya, sunu, amuya myaaka. Aleluya! Cikankamanisyo! Nda Mu yanda, Nda Mu yanda nkaambo Wa kasaanguna kundi yanda, alimwi wajula meso angu aofweede, kuti Nda konzya kunjila a kubona Busyu Bwakwe a kuziba kuti Mpali ano. Ameni a ameni!

²⁰⁶ Atu tambike buyo maanza esu aku Mu komba lino mbuli mbo tuyiimba. Bulemu kuli Leza! Kulumbwe ku Mwami Jesu Kristo, ku bubotu a luse Lwakwe! Leza amu longezye. 🐦

63-0801 Ii Cikankamanisyo
Marigold Center
Chicago, Illinois U.S.A.

CHITONGA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org